


河套新編

二







河套軍事考

河套兵爭夏商以前尚矣歌謠所垂自南仲築城朔方始時則殷  
之季世也其後尹吉甫逐獫狁于太原之外晉文公遷戎翟于西  
河圖洛之間戰國時趙伐句注西畧翟地至榆中又攻中山至九  
原雲中秦惠王既拔義渠戎二十五城昭王時宣太后誘殺義渠  
戎王于甘泉遂滅義渠趙武靈王時胡服騎射北破林胡接長城  
秦是太原訖北地魏走上郡訖回陽趙走代訖高闕列戍置防秦  
滅六國始皇帝使蒙恬將十萬衆北擊胡意收河南地渡河取高  
闕陶山陽山北假中三十六年復使恬將三十萬衆鎮上郡自此  
以為常匈奴不敢南下然中國若成役天下怨叛楚漢之際諸秦





所徙適者復去冒頓桑間并樓煩白羊河南王連收秦所奪匈奴  
故地遂侵燕代因高帝于白登時侵盜雁門雲中孝文帝十四年  
匈奴大入寇候騎至甘泉於是大發兵擊匈奴然遂出塞即還不  
能有所殺匈奴益驕歲歲入塞殺掠雲中遼東最甚後四年復大  
入上郡雲中漢使三將軍屯北地匈奴注飛狐口堅守如以悔胡景  
帝中六年匈奴入雁門至武衆入上郡取苑馬吏卒戰死者二千  
人當是時匈奴建龍城於漠南控弦之士近百萬其單于庭直代  
雲中塞通河套而右王將居西才直上郡以西接氐羗則據有全  
套之地故自漁陽上谷以外隴西北地上郡河西雁門代郡五原  
雲中定襄並當其入犯之衝武帝即位慨然欲復固秦之舊守自



王恢馬邑之計不行，匈奴寇當路塞，盜漢邊益急。於是銳意用兵，使將軍衛青將三萬騎出雁門，李息出代郡擊胡。其明年衛青復出雲中，以西至隴西，擊胡之樓煩、白羊於河南。於是漢遂取河南地，築朔方，復繕故秦時蒙恬所為塞。是歲漢之元朔二年也。匈奴右賢王怨漢奪其地，數為寇盜邊，及入河南，侵擾朔方，殺畧吏民甚衆。元朔五年春，上令青將三萬騎出高闕，衛尉蘇建為游擊將軍，左內史李沮為強弩將軍，大僕公孫賀為車騎將軍，丞相李蔡為輕車將軍，皆領屬車騎將軍俱出朔方。右賢王以為漢兵不能至，飲醉，漢兵夜至圍右賢王。右賢王驚夜遁，得右賢裨王十餘，男女萬五千餘人，畜數十百萬，單于怒，昆邪王休屠王居西方為漢



所殺虜數萬人。徵召誅之。昆邪王殺休屠王，并將其眾降漢。於是漢得昆邪、則靡西北地。河西益少胡寇。元朔四年，大將軍衛青出定襄，宗騎將軍霍去病出代，並深入絕幕。單于遠遁，漠南無王庭。元鼎六年，遣故太僕公孫賀將軍五千騎出九原，二千餘里至浮苴井，從塞候趙破奴萬餘騎出，令居數千里。至匈奴河水，皆不見虜。而還是時，天子巡邊，自雲陽北歷上郡、西河、五原，出長城北，登單于臺，至朔方，臨北河，勒兵十八萬，旌旆經千餘里，使使風告單于。單于不報。漢乃益北，廣田至胘雷為塞。匈奴終不敢以為言。蓋自漢擊匈奴，萃其全力經營朔方，以規復陰山。至是而功效始著。宣帝甘露二年，呼韓邪單于款五原塞，請入朝。明年正月，朝天子。



于甘泉宮留長安月餘遣歸國單于請留居光祿塞下有警保漢  
受降城光祿塞者武帝太初三年光祿勳徐自為所築出五原塞  
數百里遠者千里築城障列亭至廬胸初匈奴詹師廬單于五年  
少好殺戍國中多不安左大都尉欲殺單于使人告漢漢令因杆  
將軍公孫敖築受降城而使浞野侯趙破奴將二萬騎出朔方北  
二千餘里期至浚稽山而還至期事覺單于誅之浞野侯引還未  
至受降城四百里為匈奴所得因遣兵攻受降城不能下乃侵入  
邊而去宣帝順呼邪王之請遣長樂衛尉高昌侯董忠等將六千  
騎送單于留衛單于力諄不服竟寧元年單于復入朝元帝以後  
宮長家子王昭君賜之單于驩喜上書願保塞上谷以西至敦煌



請罷邊吏士卒以休天子人民漢用侯應議優詔却之自是南匈奴游牧近塞下為漢北藩百餘年間河套晏然中國以寧及東漢初年徙南單于部落於塞內而河套復失初匈奴北部大人共議立日逐王比為呼韓邪單于款五原塞願承為藩蔽捍禦北虜建武二十六年冬五骨都侯子將其眾三千人歸南部北單于使騎追擊獲其眾南單于遣兵拒之逆戰不利于是復詔單于徙居西河美稷令西河長史歲將騎二千弛刑五百人助中郎將衛護單于南單于既居西河亦列置部王助為扞戍使韓氏骨都侯屯北地右賢王屯朔方當于骨都侯屯五原呼衍骨都侯屯云中皆領部眾為郡縣鎮邏耳目於是孝武以來經營壑闢之跡悉淪于游



牧然終漢之世匈奴南。既分形禁世格。故不能大為過患。明帝  
永平八年。北單于欲合市。遣使求和親。八年遣越騎司馬鄭眾。北  
使報命。而南部須卜骨都侯等。漢與北虜交使。懷嫌怨。欲叛。密  
因北使。令遣兵迎之。鄭眾上言。宜置大將屯衛。以防二虜交通。由  
是始置度遼營。以中郎將吳棠行度遼將軍事。副校尉來苗。左校  
尉闔章。右校尉張國。將黎陽虎牙營士屯五原曼柏。又遣都尉秦  
彭將兵屯美稷。其年秋。北虜果遣二千騎候望。作馬革船。欲渡迎。  
南部叛者。以漢有備。乃引去。其後竇憲出朔方雞鹿塞。擊北匈奴。  
至燕然山。北匈奴遠遁。由是二虜交通之機永絕。邊患稍益矣。然  
中世以後。羌胡之勢。自西而東。漸及于套。南諸郡。安帝永初五年。



羌叛二千石令長多請內徙以避寇難朝廷從之百姓隨道死亡  
喪其大半順帝永和間又內徙朔方以西障塞多不修南單于憂  
恐上言求復障塞順帝從之增置緣邊諸郡兵列屯塞下教習戰  
射其後又用虞詡言復北地上郡還舊土然不久復入于戎桓靈  
之世羌胡大擾定襄云中五原朔方上郡等五郡魏黃初二年又  
遷并州於嶺南以避寇於是河套內外阨塞之地盡淪於左衽戎  
狄猾夏之勢成矣

晉惠帝永興元年劉淵僭號自是中原鼎沸劉石符姚忽起忽滅  
皆領有套地然其兵爭則在河洛汾渭之間河套一隅不當衝要  
自拓跋魏都盛樂赫連勃勃據夏州而河套始紛然多事矣劉衛



辰者赫連勃勃之父也。初降於苻秦，又叛附於代。秦將鄧蒞討擒之，木根山既而復使統所部。晉太元二年，衛辰患代之逼，引秦兵擊代，遂定代地。分代民為二部，自河以東屬別部大人劉庫仁，自河以西屬劉衛辰。衛辰於是督攝河西諸郡，屯代來城。遂盡有朔方之地，控弦之士三萬八千。太原九年，苻秦亂，十一年諸部共推拓跋珪為主，復居定襄之盛樂，遂襲五原，屠之。又追緝統提至跋那山。太原十六年，魏主珪討劉衛辰，直抵其所居悅跋城，執衛辰殺之，勃勃奔于姚興。興以勃勃為五原公。二十年秋，燕慕容垂遣子寶伐魏，拓跋珪悉徙部落畜產西渡河千餘里以避之。燕軍至五原，進臨河，珪亦治兵河南，與燕軍隔河而壘。又使拓跋虔將五



萬騎屯河東拓跋儀將十萬騎屯河北拓跋遵將七萬騎塞燕南  
相持久之燕軍夜遁時河水未結竇以魏兵必不能渡不設斥堠  
會暴風冰合珪引兵濟河追敗竇於參合波死者十餘萬人已復  
叛秦襲殺沒婁于高平而併其衆義熙三年自稱大夏天王既而  
破鮮卑薛干等部進攻秦三城以北諸戎侵畧嶺北諸城又西擊  
羌豎髮屠檀於稜揚敗之於陽武下峽多殺士卒積其屍為京觀號  
鬪體台姚興遣其將齊難來伐勃勃退如河曲難以去勃勃既遠  
縱兵野掠勃勃潛軍覆之難引軍而退勃勃復追擊于木城拔之  
擒難俘其將士萬有三千戎馬萬匹嶺北夷夏降附者數萬勃勃  
又與興將張佛生楊佛嵩等戰于青石原皆敗之于是發嶺北夷



夏十萬人于朔方黑水之南營起都城勃勃自言朕才統一天下  
君臨萬邦可以統萬為名劉裕之定關中也留其子義真守之自  
引兵還勃勃大喜因進兵畧定關中羣臣勸都長安勃勃曰朕豈  
不知長安累高舊都有山河四塞之固但荆吳遠僻勢不能為人  
之患東魏與我同境壞去北京我數百餘里朕在長安北京恐有  
不守之憂朕在統萬彼終不襲濟河諸御適未見此耳乃於長安  
置南臺還居統萬當是時拓跋氏鼎盛太宗元明帝漸有潼衛河  
洛諸州然北鄙方有柔然之患故未遑修怨於夏魏太宗泰常八  
年二月築長城于長川之南起自赤城西至五原延袤二千餘里  
備置戍衛是年太宗殂柔然統并蓋可汗將六萬餘騎入雲中攻



拔威樂官魏主熹輕騎討之射殺其大將欲乘虛再攻統捨輜重  
以輕騎三萬倍道先行分兵伏于深谷昌出戰大潰奔上卦套地  
盡為魏有然魏自孝文遷洛以後形勢隔絕河套又多事六鎮首  
相構難明帝四年柔然入寇懷朔沃野所在叛亂統万部勃種人  
與相結合夏州刺史時子雍嬰城固守時饑饉迫切子雍留子延  
伯居子率羸弱向東夏運糧因求援于大行臺益海五瀨瀨給予雍兵馬  
子雍轉門而前九月之中凡數十戰卒平東夏徵租粟運于統萬於  
是二夏復寧未幾魏分為東西宇文泰出於武川高歡出於懷朔  
皆有套東北之人也泰初鎮夏州遂併關中歡統六鎮陞衆建牙陽  
曲川文帝大統二年歡自將萬騎襲夏州不火食四日而至縛稍



為梯夜入其城擒刺史斛拔俄彌突因而用之留其將張瓊許和  
守之未幾張瓊許和以夏州降自固迄唐柔然衰而突厥起河套  
復多事

突厥既滅柔然而據其地雄長漠北控弦數十萬中國憚之固齊  
爭結姻好傾府藏以事之情高祖受禪待之甚薄北夷大怨開皇  
元年遣司農少卿崔仲方發丁三萬於朔方靈武築長城東至黃  
河西距綏州南出勃嶺綿亘七百里明年帝復令仲方發丁十五  
萬於朔方以東緣邊險要築數十城以遏寇虜開皇二年十二月  
突厥沙鉢略可汗悉衆自木峽石門兩道來寇入上郡弘化命衛  
王爽等為行軍元帥分八道出塞擊之爽督總管李充出朔州道



與沙鉢略遇於白道克帥精騎五千掩擊突厥又破之沙鉢略棄  
所服金甲兩道其軍無食粉骨為糧加以疾疫死者甚衆其後沙  
鉢略逃為阿波連頭等所困遣使請和並請將部落度漠南寄居  
白道川詔許之開皇十七年上欲離間北夷以宗女安義公主嫁  
沙鉢略子染干時號突利可汗居北才特厚其禮賜都藍可汗雍  
虞間聞之怒曰我大可汗也反不如染干乎於是數為邊患十八

年突利奏都藍欲攻大同城

在今吳喇或旂唐天德軍西南

詔蜀王秀出靈

州道以擊之明年又遣漢王諒為元帥左僕射高穎率將軍王愬

上柱國趙仲卿並出朔州道右僕射楊素率柱國李徹藍僧喜出  
靈州上柱國燕榮出幽州以擊之雍虞間于夜以五騎與隋使長



孫晟歸朝拜為啟民可汗於朔州築大利城以居之今歸化城西部落

歸者甚衆雍虞閭又擊之上復令入塞雍虞閭侵掠不已用長孫

晟言徙五原以河為國遷于夏勝二州之間東西至河南北四百

里掘為橫塹令處其中於是突厥復居套內一如東漢南匈奴故

事仁壽元年代州總管韓洪為虜所敗詔楊素為雲州道行軍元

帥率啟民北征斛薛等姓初附於啟民至是而叛素軍河北值突

厥阿勿思力侯介等南渡掠啟民男女六千口雜畜二十八萬而

去素率大將軍梁默輕騎追之轉戰六十餘里大破侯介悉得人

畜以歸兵既渡河賊復掠啟民部落素率驃騎范貴於窟結谷東

南奮擊復破之追奔八十餘里煬帝大業三年四月帝北巡次榆



林啟民及義城公主來朝。秋七月，詔發丁男百餘萬築長城。西距  
榆林，東至紫河。八月，車駕發榆林，親巡雲內、沂、金河，而東北幸啟  
民所居。啟民奉觴上壽，跪伏甚恭。帝大悅，賞賚優渥。明年四月，帝  
如五原，遂巡長城。是歲，啟民死，而始畢立。始有輕中國之心。大業  
十一年秋八月，帝巡北邊，始畢率精騎十八萬謀襲，乘輿駕馳  
入雁門，突厥引騎急攻。及御前，詔發諸郡兵赴行在，援軍至始  
引去。由是朝貢遂絕。值隋末亂，離中國人歸之甚衆，遂大強盛。如  
薛舉、劉武周、吐倫、吐谷、吐面、稱臣而梁師都、據夏州、郭子和、據榆林。  
皆倚突厥以自固。並受其封號。唐高祖起晉陽，畏突厥躡其後，遣  
府司馬劉弘靜往聘，與始畢連和。初，隋五原太守張長遜率所部



五城附虜及唐舉義兵以郡降武德元年郭子和獻款惟梁師都  
佞強於夏州屢導突厥寇邊隱太子建成議廢豐州并割榆中地  
於是處羅子都射設以所部萬帳入處河南以靈州為塞并攻拔  
鹽川郡帝會群臣問所以備邊者將作大匠于筠請五原靈武置  
舟師於河扼其入中書侍郎溫彥博曰魏為長塹過匈奴今可用  
帝使桑顯和塹邊天道召江南船工大發卒治戰艦武德六年師  
都為延州總管段德操所破其將賀宗周以所部十二州降德操  
悉兵攻之拔東城師都保西城不敢出求救于突厥頡利頡利以  
勁兵萬人赴之遂往朝頡利教使南畧後突厥政亂太宗以師都  
處漫危乃諭以書使歸朝不從詔夏州長史劉曼司馬劉蘭經畧之



貞觀二年詔柴紹薛萬均併力劉昱以勁卒直據朔方東城頡利  
來援會大雪羊馬死紹逆戰破之進屯城下其從父弟洛仁斬師  
都降夏州平先是突厥頡利聞薛延陀真珠可汗入朝大懼遣使  
稱臣請尚公主上以頡利既請和親又援梁師都乃詔并州都督  
李世勣出通漠道李靖出定襄道左武衛將軍柴詔出金河道靈  
州大都督任城王道宗出大同道幽州都督衛孝節出恒安道營  
州都督薛萬淑出暢武道允六總管師十餘萬皆受靖節度以討  
之道宗戰靈州得人畜萬計李勣出雲中戰於白道大路破之貞  
觀四年正月李靖進屯無陽嶺夜龍衣頡利頡利窘走保鐵山兵猶  
數萬靖又龍衣擊之盡獲其衆頡利得千里馬獨奔沙鉢羅行軍副



總管張寶相禽之沙鉢羅設蘇尼失以衆降其國遂亡突利既降  
帝用文彥博議以突利為順州都督令率其下就部未幾突利弟  
結社率作亂乃立阿史那思摩為乙彌泥孰候利苾可汗賜姓李  
悉徒突厥還故地思摩憚薛延陀不肯出塞上賜延陀書令各守  
疆土薛延陀陽奉詔陰思乘隙攻之會帝幸洛陽將封泰山真  
珠可汗乃遣其子大度設勅兵二十萬南絕漠壁白道川率一兵  
得四馬擊于思摩思摩走朔州言狀且請師詔遣李世勣等分道討  
之大度設次長城思摩已南走大度設度無所得乃遣人乘長城  
罵之會勣兵至行盭屬天達率衆走赤勒度青山然道迴遠勣還  
敢死士與突騎經臘河趨白道追及大度設大度設渡諾真水列



陣以待先是薛延陀擊沙鉢羅及阿史那柱爾皆以徒戰勝至是却騎不用率五人為伍一執馬四前鬥令曰勝則騎而逐負者死沒其家以償戰士及戰突厥兵退延陀騰逐勳殺之延陀縱射馬輒死勳乃以步士五百人為隊擣其鏝虜潰部將薛萬徹率勁騎先收執馬者故延陀不能去斬首數十級獲馬萬五千大度設亡去萬徹追弗及殘卒奔漠北會大雪眾輒踣死者十八貞觀十九年詔執失思力屯金州領突厥扞薛延陀延陀兵十萬寇河南思力示羸不與確賊深入至夏州乃整陣擊敗之追躡六百餘里是歲帝將伐遼高麗莫離支令靺鞨以厚利啗真珠可汗欲與連和真珠可汗不敢發亦會病死子多彌可汗立是時王師猶在遼因



內蒙古圖書



663330

寇邊帝遣江夏王道宗屯朔州代州都督薛萬徹與左驍衛大將  
 軍阿史那社爾屯勝州左武侯大將軍薩孫吳仁屯靈州執失思  
 力與突厥特角塞下虜知有備乃去自是薛延陀寢衰而突厥車  
 鼻可汗復強車鼻者亦阿史那族而突利部人也初居金山之北  
 西為邏祿北結骨皆并統之時出掠延陀人畜思摩眾既南渡  
 車鼻乃盜有其地帝遣右武衛郎將高侃發回紇僕骨兵擊之獲  
 車鼻獻京師於是北荒悉為封內始置瀚海單于二都護府高宗  
 麟德初徙設瀚海都護府於吉雲中城號雲中都護府磧以南諸  
 州悉隸焉雲中者義成公主所居也頡利滅李靖徙突厥一宮殿破  
 數百帳居之以阿史德為之長眾稍盛即建言領以諸王為可汗

可  
卷  
新  
高



遼統之帝曰今可汗吉單于也乃改雲中府為單于大都護以殷  
王旭輪為單于都護調露初單于府大酋溫傳奉職二部反立阿  
史那泥孰訶為可汗二十四州酋長皆叛應之乃拜禮部尚書裴  
行儉為定襄道行軍大總管率兵三十萬捕擊反者行儉與戰黑  
山天破之其下斬泥孰訶以首降禽溫傳奉職以還餘眾保狼山  
永隆中溫傳部又迎頡利族子伏念于夏州走渡河立為可汗諸  
部響應遂寇原慶二州復詔行儉為大總管以討之逾年行儉虜  
伏念送京師斬宋布伏念既死其族骨咄祿走總材山沿黑沙城  
有眾五千盜九姓馬稍強乃自立為可汗寇單于府北鄙殺嵐州  
刺史王德茂執豐州都督崔知辯詔右武衛將軍程務挺為單于



道安撫大使備邊副聖率拱間連寇朔州右鷹揚衛大將軍黑蓋  
常入與戰黃花堆虜敗追四十里避過磧天授初骨吐祿死其弟  
默啜自立為可汗始攻靈州多殺畧士民武后以薛懷義為朔方  
道行軍大總管統十八將軍兵出塞雜華蕃步騎擊之不見虜而  
返未幾虜復攻靈勝二州縱殺畧自是歲入邊戍兵不得休乃高  
選魏元忠為靈武道行軍大總管備虜默啜剽隴右牧馬又寇鹽  
夏掠羊馬十萬攻石嶺透圍并州中宗初即位入攻鳴沙靈武軍  
大總管沙吒忠義與戰不勝死者幾萬人虜遂入原會多取牧馬  
乃詔左屯衛大將軍張仁愿為朔方道大總管屯邊仁愿既至寇  
已去引兵踵擊夜掩其營破之始朔方軍與突厥以河為界北厓



有拂雲祠突厥每犯必先謁祠禱解然後料兵度而南時默啜悉  
兵西擊突騎施婆葛仁愿請乘虛取漠南地於河北築三受降城  
絕虜南寇路中宗從之三壘相去各四百里又於牛頭朝那山北  
置烽候千八百所自是歲損費億計滅鎮兵數萬自情開皇大業  
間突厥游牧河套內外散處於靈夏豐勝朔代之間啟民始畢頡  
利突利車鼻骨咄祿默啜之儔叛服靡常朔方被兵無寧歲至張  
仁愿三受降城築突厥不敢踰山牧馬朔方無復寇掠之患然自  
開元以後党項回紇吐蕃又相繼寇擾終唐之世河套諸郡縣多  
罹于兵革矣玄宗開元中設十節度以備邊朔方節度使治靈州  
以禦北狄以張說為朔方軍節度大使先是蘭池州胡康待賓請



諸降戶同反朔方大總管王曖等討擒之其黨潛與党項通謀攻  
銀城連谷據其倉廩張說將步騎萬人揜擊大破之追至駱駝堰  
党項更與胡戰胡衆潰走說安集党項使復居其業因奏置麟州  
以鎮撫党項餘衆未幾待賓餘党康願子復反自稱可汗說既受  
命至朔方發兵討擒其黨悉平徙殘胡五萬口於許汝等州空河  
南朔方千里之地奏罷戍二十餘萬使歸農天寶八載朔方節度  
使張齊邱於中受降西二百餘里之木喇山築城號摸審軍及安  
北都護府詔郭子儀為軍使俄苦地偏不可耕徙築永清號天德  
軍子儀以軍使兼九原太守十四載安祿山反詔子儀充朔方軍  
節度率本軍東討子儀收靜邊軍斬賊將固萬頃擊高秀岩於河



曲敗之。遂收雲中馬邑。開東陞將。與李光弼。起范陽。會肅宗即位。  
靈武詔班師。子儀與光弼率步騎五萬。同赴行在。時朝廷草昧。衆  
單寡。軍容闕然。及是國威大振。舟楫陳濟。斜之。敗衆散。略盡。故帝  
唯倚朔方軍為根本。賊將阿史那從禮。以同羅。僕骨。騎五千。誘河  
曲九府六胡州部落數萬。迫行在。子儀以回紇首領葛邏支擊之。  
執獲數萬。牛羊不可勝計。河曲平。其後朔方一軍。遂收復二京。轉  
戰涇滑。河洛之間。然邊兵內調。軍鎮寧虛。重以僕回。懷恩反於靈  
武。誘回紇。党項。吐蕃。吐谷渾。分道入犯。關中大震。會懷恩至。鳴沙  
病死。諸虜皆引去。然朔方益殘破。代宗大曆九年十二月。回紇  
千騎寇夏州。州將梁崇宗破之於烏水。十一年。增朔方五城戍兵。



以備回紇是時吐蕃勢漸張吐蕃于安史之亂兼併河隴其境域  
東北抵賀蘭山與套西南諸州縣接壤永泰天曆間四寇靈州塞  
攻秦漢御史三渠以擾屯田郭子儀言於代宗曰朔方國之北門  
西禦天戎北虜吳殫扼五城相去三千里開元天寶中戰士十萬馬  
三萬匹僅支一隅自先帝受命靈武戰士從陛下征討無寧歲頃  
以懷恩亂瘡傷彫耗七三分之二比天寶中十分之一今吐蕃兼  
吞河隴雜羌渾之衆勢踰十倍與之角勝豈易得哉願於諸道料  
精卒滿五萬者列屯北邊則制勝可必帝從之德宗貞元二年吐  
蕃尚結贊攻鹽夏刺史杜彥光拓拔乾暉不能守悉其衆南奔虜  
遂據其地又寇銀麟麟州素無城壁人皆奔散詔馬燧為綬銀麟



勝招討使駱元光經畧益夏結贊得益夏皆戍以兵自屯鳴沙然  
饋餉數困於是駱元光輕游環濱塞而屯馬燧次石州跨河相犄  
角結贊大懼屢請盟天子不許乃以貴將論頽熟厚賂乞和於馬  
燧燧以為請旨入見天子諸將以燧入朝皆守壁不戰結贊還走  
馬多死士不能步有饑色及平涼叔盟虜仍戍益夏陟春疫大興  
皆思歸結贊以騎三千迎之火二州廬舍頽郭隳而去益州既燬  
塞防無以障遏而靈武單露劇圻侵迫寇日以騎數入為邊患貞  
元八年虜寇靈州臨水口塞營田渠發河東振武兵合神策軍擊  
之虜引還帝乃下詔城益州使涇原劍南山南深入窮討分其兵  
毋令專向東方詔朔方河中晉絳邠寧兵馬副元帥渾瑊朔方靈



蓋夏綏銀節度都統杜希全分寧節度使張猷甫右神策行營節  
度使刑君牙夏綏銀節度使韓潭廊坊丹延節度使王拙曜振武  
麟勝節度使范希朝合兵三萬以左神策將軍胡堅右神策將軍  
張昌為鹽州行營節度使擢拔築之役者六千人餘皆隴城下九  
年始裁閱二旬訖功兩虜兵不出遂以燕御史大夫紇于遂與燕  
中丞杜彥先成之由是套西南部之附守稍完十四年韓全義破  
虜於鹽州十六年靈州破虜於烏蘆橋十七年虜寇鹽州臨麟州  
殺刺史郭鋒湮湮墮墮陣係兵人掠党項諸屯憲宗元和元年虜以  
五萬騎入振武拂鞬泉萬騎至豐州大石谷鈔回鶻還國者是年  
三月夏綏留後王惠琳拒命詔河東天懷軍討之河東節度使嚴



綬遣牙將阿跌光進及弟光顏將兵赴夏州斬惠琳傳首京師十  
二年虜寇宥州與靈州兵戰定遠城虜不勝斬首二千級十四年  
吐蕃節度論二摩宰相尚塔藏中書令尚倚心兒總兵十五萬圍  
鹽州為飛梯驚車攻城刺史李文悅拒之城壞輒補夜龍衣其營盡  
出戰破虜萬人積三旬不能拔朔方將史敬奉以奇兵繞出虜背  
大破之解圍去穆宗初即位虜引兵入屯靈武靈州兵擊却之長  
慶元年間回紇和親妃清塞堡為李文悅所逐又以壯騎屯魯州  
靈州節度使李進誠與戰大石山破之乃遣使者乞盟詔許之由  
是寇抄寢希宣宗大中元年河東節度使王宰將代北諸軍以沙  
陀朱邪赤心為前鋒自麟州濟河大破吐蕃於鹽州朱邪赤心者



沙陀朱邪執宜之子。初沙陀叛降吐蕃。久之為吐蕃所疑。乃率眾三萬轉戰而東。款靈州塞。詔處之鹽州。以執宜為府兵馬使。沙陀來健。門靈州節度使范希朝欲藉以捍虜。為市牛羊。廣言牧休養之議。希朝鎮太原。因詔執宜舉軍從之。希朝乃料其勁騎千二百。號沙陀軍。置軍使執宜。死。子赤心嗣。開成四年。回鶻經磧口。抵榆林塞。節度使劉沔以沙陀兵擊回鶻于殺胡山。會昌元年。回鶻為黠戛斯所破。帥其眾抵天懷塞。下求內附。且請借振武一城以居。又請假天懷軍。皆不許。回鶻烏介可汗大恚。進略大同川。轉戰攻靈州。逼振武。三年。劉沔遣后雄帥沙陀朱邪赤心三部襲其牙帳。雄至。振武鑿城為十餘穴。引兵夜出。直襲可汗牙帳。烏介驚引去。



雄追北至殺胡山爲介被創走由是沙陀之名益著及隨王宰攻吐蕃沙陀常深入寇諸軍赤心所向虜輒披靡曰吾見赤烏將軍火生頭上始沙陀臣吐蕃其左老右壯溷男女略與同而駭射趨悍過之虜倚其兵常苦邊及歸國吐蕃遂衰宣宗賜赤心氏李名國昌未幾進大同軍節度使曰紇寇榆林擾靈盜詔國昌爲副進節度使又寇天懷乃徙節振武未幾叛與党項相持大同川吐渾赫連鐸襲振武盡取其質滅國昌窮感興其子克用舉宗奔達靼會黃巢之亂克用反正封晉王鎮太原遂兼有秦東北之地石晉時遼太祖破振武軍又渡河襲党項破天懷軍盡獲其吏民以歸拓拔夏者故党項部戎種也長慶大中之世屢侵盜宣宗用向敏



中為制置使以鎮撫之始就安帖迨後唐明宗長興三年樞密使  
范廷光言自靈州至邠州使臣及外國入貢者多為党項所掠請  
發兵擊之乃遣靜難節度使藥彥相前朔方節度使康福將兵七  
千討之破其族十九俘二千七百人四年定難節度使李仁福卒  
軍中立其子彘超為留後朝廷以彘超為彰武留後安從進為定  
難留後彘超不奉詔遣其兄阿囉王守青嶺門集境內党項諸胡  
以自救藥彥相等進屯蘆關彘超遣党項抄掠糧運及攻具官軍自  
蘆關退保金明安從進攻夏州州城赫連勃勃所築堅如鐵石斷  
鑿不能入又党項萬餘騎徇徻四野抄掠糧餉官軍無所芻牧山  
路險狹關中民輸斗粟束藁貴錢數緡民間困竭功卒不成自是



夏州輕朝廷每有叛臣必陰與之連以邀賂遺

宋太平興國三年王師伐北漢李繼筠遣其將率蕃酋漢兵渡河略太原境五年李繼捧入朝獻銀夏綬宥四州地自陳願留京師初繼捧之入也弟繼遷出奔地介澤與其党赴夏州誘殺都巡檢曹光實於葭蘆川因龍衣據銀州後破會州遂圍三族北石砦將折過也殺監軍使者與繼遷合時都將田仁朗行次綏州請益兵留月餘俟報時繼遷乘勝進攻撫寧砦仁朗聞之喜曰戎人常烏合寇邊勝則進敗則走不可窮其巢穴今繼遷嘯聚數萬盡銳以攻孤壘撫寧小而固非決旬所能破我俟其困以大兵臨之分遣強弩三百邀其歸路虜成擒矣部署已定仁朗啟示聞暇縱酒携蒲副將



王侁等嬖孽之帝聞三族已臨大怒徵仁朗還是月侁等出銀州  
破悉利諸砦遂與所部入濁輪川斬首五千級繼遷遁去端拱元  
年復以李繼捧為定難節度使鎮撫夏州淳化二年繼奉與繼遷  
戰安慶澤五年用鄭仁寶議禁盭池以困繼遷又用呂蒙正言墮  
夏州城至道二年夏四月李繼遷率眾萬餘圍靈武呂端請發兵  
出麟府廊廷環慶三道以擣平夏龍其巢穴則靈武之圍自解帝  
從之命李繼隆出環丁罕出慶范廷名出廷王超出夏張守恩出  
麟五路進討直趨平夏諸軍期以八月進抵烏白池惟范廷名與  
王超保期而至大小數十戰互有勝負餘皆不見虜而還繼遷攻  
靈州益急真宗咸平五年以張齊賢為涇原諸路經畧使禦之先



足李至請棄靈州移朔方軍於環州保固邊境帝不決時齊賢亦  
言靈武孤城必難固守徒使軍民六七萬陷于危亡之地無益通  
判水興軍何亮復上安邊書言靈武地方千里表裏山河棄之有  
三患請築漕樂耀懷二城以通河西之糧道靈武居絕域之外不  
築此二城為唇齒與捨靈武無異帝乃以王超為西面行營都部  
署將步騎六萬援靈州未至靈州陷六年夏繼遷攻麟州敗去轉  
攻西涼中流矢死子德明立詔令審圖去就知鎮戎軍常瑋上言  
繼遷擅河南地二十年兵不解甲使中國有西顧之憂今其國危  
子弱不即捕滅後更強盛不可制矣願假臣精兵出其不意擒德  
明送闕下復河南為郡縣此其時矣帝欲以恩致德明不報於是



河套一隅終宋之世不復隸於版圖而廊延環慶原渭並為重鎮守。在關內矣。

仁宗明道元年十一月夏王德明卒遣使立其子元昊為西平王元昊雄毅多天畧數諫其父勿自宋襲封後以兵法勸諸部昊既盡併朔方河西地仍居興州依賀蘭山為固置十二監軍司分統其衆自河北至午臘蕞山五萬人以備契丹河南洪州白豹安鹽州羅洛天都惟精山等五萬人以備環慶鎮戍原州左廂宥州路五萬人以備麟府廊延右廂甘州路三萬人以備西蕃回紇賀蘭駐五萬靈州五萬興州興慶府七萬為鎮守總五十餘萬人而苦戰倚山訛山訛者橫山羗平夏不及也又選豪族苦子馬五千入



分六班迭置鐵騎三千分十部規畫既定乃遣使詣五臺供佛以  
窺河東道路及還與諸酋歃血遂友寶慶元年冬十月元昊僭稱  
帝建國號曰大夏二年十一月夏入寇保安巡檢指揮使狄青擊  
敗之康定二年春正月元昊寇延州知延州范雍聞元昊且至懼  
甚元昊詐遣人通款於雍雍信之不設備既而元昊盛兵攻保安  
軍廊延副總管劉平石元孫屯慶州夜以書召之平與元孫趨上  
門元昊既破金明安遠塞門水平諸砦乘勝至延州城下雍閉門  
堅守平與元孫聞之督騎兵晝夜倍道而前轉鬥三日王師敗績  
平與元孫皆沒于陣會大雪賊解去延州得不陷時著作佐郎張  
才平上平戎十策其略以為宜屯重兵河東示以形勢賊入寇必



自延渭而興州巢穴之守必虛我師自麟府渡河不十日可至此  
所謂攻其所必救形格勢禁之道也宰相呂夷簡見而避之秋八  
月除范仲淹龍圖直閣學士與韓琦並為陝西經畧安撫副使仲  
淹以延州諸砦多失請自行詔仲淹兼知延州仲淹大閱州兵得  
萬八千人分六將領之日夜訓練量賊眾寡使吏出禦敵又以民  
遠輸勞苦請建廊城為軍以河中府同華州中下戶租稅就輸之  
春夏徙兵就食可省糴十之三他所減不與詔以為康定軍仲淹  
又修永平等砦招還流亡定保障通斥堠城十二砦於是羌  
漢之民相踵歸業九月元昊寇三川砦連陷乾溝乾福趙福三堡  
韓琦使環慶福總管任福等領兵七千聲言巡邊部分諸將夜趨



七十里至白豹城。平明克之，破四十一族，焚其積聚而還。時塞門諸砦既陷，鄜州判官种世衡言延安東北二百里，有故寬州，請因廢壘而興之，以當寇衝。右可固延安之勢，左可致河東之粟，北可圖銀夏之舊，朝廷從之。命世衡董其役，夏人屢來爭，世衡且戰且城。然處險無泉，勢不可守，鑿地百五十尺，過石橫互，工辭不可穿。世衡命屑石一畚，酬百錢，卒得泉，城成，賜名青澗。以世衡知城事。慶曆元年正月，帝以元昊勢益猖獗，遣翰林學士晁宗慤即陝西問攻守之策。范仲淹主守，韓琦主戰，議不決。會元昊遣高延德還，延州與仲淹約和，韓琦聞之曰：「無約而請和者，謀也。」命諸將戒嚴，而自行邊。二月，琦至高平，元昊果遣衆寇渭州，逼懷遠城。琦乃趨



鎮戍軍盡出其兵又募勇士萬八千人命環慶副總管任福將之  
命自懷遠趨德勝砦至羊牧隆城出敵之後諸砦相距才四十里  
道近糧餉使度勢未可戰即據險置伏要其歸路福遣琦節制輕  
進逐利至好水川墮賊伏中大敗死之士卒死者萬三百人關右  
大震秋七月元昊寇麟府州將繼閔敗之八月寇金明砦破寧遠  
砦進圍豐州孤城無援州遂陷分兵屯要害以絕麟州餉道楊偕  
請棄河外保合河津帝不許會管勾麟府軍馬事張元擊賊琉璃  
堡破之又戰于栢子砦及兔毛川皆敗之遂築建寧等五堡十餘  
柵河外始固冬十月分秦鳳涇原環慶副延為四路以韓琦知秦  
州王沿知渭州范仲淹知慶州龐籍知延州時延州城砦焚掠殆



盡藉至稍葺治之。戍兵十萬，無壁壘，皆散處城中。畏藉，莫敢犯。法藉命部將放青將萬人築招安砦於橋子谷，傍以斷寇出入之路。又使同美襲取永平砦。王信築龍安砦，悉復所亡地，築十一城。廷民以安仲淹至廣州，以西北馬舖砦當復橋川口，在賊腹中，欲城之。度賊必爭，密遣其子純佑與蕃將趙明先據其地，引兵隨之。諸將不知所向，行之柔遠，版築皆具。旬日城成，即大順城也。賊覺，以三萬騎來戰，佯北。仲淹戒勿追，已而果有伏。大順既城，而白豹、金湯皆不敢犯。環慶自此寇盜益少。二年閏九月，元昊大舉入寇，攻鎮戎軍。王沿使副總管葛懷敏督諸砦兵禦之，分諸將為四路趨定州。砦賊毀橋，斷其歸路，四面圍之。懷敏突圍走，遂大潰。懷敏馳



至長城濠路已斷與將校十四人死焉元昊乘勝直抵渭州焚廬  
舍掠民畜自邠澄以東皆閉壘自守范仲淹自將慶州蕃漢兵援  
之虜乃退自元昊跳梁王師三敗天子旰食也二十萬重兵於西  
鄙只守界壕中夏之弱前世未有然元昊雖數勝死亡瘡痍財力  
不給國中怨之三年始乞和廷議評書為夏國王四年上誓表而  
元昊帝其國中自若也是歲納遼人夾山族遼兵十餘萬伐之遼  
主宗真自將出金肅城又分兵出南路北路三路濟河長驅入夏  
境不見敵據德勝寺南壁以待北路蕭惠敗元昊兵于賀蘭山元  
昊請和遼主進次河曲元昊屢退以誘之退必指其地遼馬無所  
食因反攻大破之八年元昊卒子諒祚立自是朔方兵爭暫息然



不及二十年种諤復綏州而套南戩端復起夏將寇名山部落  
在故綏州其弟夷山先降將青澗守將种諤使人因夷山以誘之  
賂以金土名山少將李文喜受之陰許歸款而名山未之知也諤  
即以聞且欲因復河南地不待報悉起所部長驅而前圍其帳名  
山舉眾從諤而南將首領三百户萬五千兵萬人夏主諒祚乃詐  
為會議誘知保安軍楊定等殺之神宗熙寧三年秋八月夏人大  
舉入環慶攻大順城柔遠砦荔原堡多者號二十萬少者不下一  
二萬屯於榆林游騎至慶州城下宰相韓絳自請行邊乃以絳為  
陝西宣撫使授以空名告報得自除史絳素不習兵開幕府於延  
安措置乘才選蕃兵為七軍復以种諤為廊延鈐轄知青澗城信



任之諸將皆受其節制蕃兵皆怨望諤謀取橫山帥師襲敗夏人於囉兀因以衆二萬城焉自是夏人日取兵為報復計四年三月种諤進築水樂川賞逋嶺二砦分遣都監趙璞燕達築撫寧故城及分荒堆三泉吐渾川開光嶺葭蘆川四砦已而夏人來攻順寧砦遂圍撫寧折繼昌高水能等擁兵駐細浮圖去撫寧咫尺囉兀兵勢尚完諤在綏德節制諸軍聞夏人至茫然失措欲作書召燕達戰悖不能下筆顧運判李南公涕泗不已於是新築諸堡悉陷將士千餘人皆沒遂詔棄囉兀城是時方復河湟宦者李憲經制熙河帝銳意開邊元豐四年六月夏人幽其主秉常知慶州俞充揣帝意旨屢請伐夏秋七月詔李憲等會陝西五路之師大舉伐



夏憲出熙河种諤出廊廷高遵裕出環慶劉昌祚出涇原王中正  
出河東分道並進又詔吐蕃首領董氐集兵會伐九月憲敗夏人  
於西市新城復龍女遮谷破之遂復吉蘭州城之請建為帥府既  
而种諤克米脂城高遵裕復清遠軍王中正以河東兵入宥州劉  
昌祚率蕃漢兵五萬進須磨哆溢遇夏衆十萬扼險大破之遂薄  
靈州城圍之十八日不能下夏人決黃河以灌營復抄絕  
餉道士卒凍溺死遂潰而還餘軍才萬三千而已种諤留千人守  
米脂自帥大衆進攻銀石夏州遂破石堡城進至夏州駐軍索家  
平會大殺劉歸仁以衆潰而軍食又乏值大雪乃引還死者不可  
勝計王中正自宥州行至柰王井糧盡士卒死者二萬人亦引還



初詔憲帥五路兵直趨興靈憲總師東上營於天都山下焚夏之  
南岸內殿并其館庫追襲其統軍新都喇卜丹敗之次於葫蘆河  
遂班師時諸路兵皆至靈州獨憲不至先是夏人聞朝廷大舉毋  
梁氏問策於廷諸將少者盡請戰一老將獨曰但堅壁清野縱其  
深入聚勁兵于靈夏而遣輕騎抄絕其餽運可不戰而困也梁氏  
從之設師卒無功五年三月獻廷路副總管曲珍敗夏人於金湯  
四月曲珍將兵援綏德城討殺蘆塞羌落六月曲珍等敗夏人於  
明堂川環慶經畧司遣將與夏人戰破之於是李子憲乞再舉伐夏  
會知廷州沈括議欲盡城橫山下瞰平夏使虜不得絕磧為寇種  
諤自以西討無功遂上其策于朝且言興功當自銀州始帝遣侍



中徐禧內侍李舜舉往議禧請於銀夏宥之界築水樂城水樂依山無水泉神諤言不可禧率諸將竟城之賜名銀川砦以兵萬人屬曲珍守之水樂接宥州附橫山為夏人必爭之地禧等既退還米脂九月夏人來攻珍使報禧禧乃挾李舜舉等來援而夏兵至者號三十萬翌日夏兵漸逼禧乃以七萬人陳城下夏人縱鐵騎渡河珍曰此鐵鷄子軍也當其半濟擊之乃可有逞得地則其鋒不可當也禧不聽鐵騎既濟震盪衝突大眾從之禧帥敗績將校十餘輩及士卒八百人盡沒曲珍收餘衆入城夏人圍之厚數里且據水砦珍士卒晝夜血戰城中乏水已數日掘井不及泉渴死者十六七至絞馬糞飲之括與李憲援兵及饋餉皆為夏大兵所



隔夜半夏兵環城急攻城遂陷禧與舜舉等皆死之惟珍裸跣走  
免自熙寧用兵得夏葭蘆吳堡義合米脂浮圖塞門六堡而靈州  
水樂之役官軍熟羌義堡死者六十萬人銀穀銀絹不可勝計秦  
晉困耕天下企望息兵水樂敗報聞帝臨朝痛悼始知邊臣不可  
倚信深自咎悔而夏人亦凋弊矣六年五月夏人寇麟州神堂砦  
七年九月圍定州城哲宗元祐六年九月夏人寇麟州神堂砦七  
年九月圍定州城六年九月夏人寇麟府十月寇環州紹聖三年  
冬十月夏主乾順奉其母率衆五十萬大入麟廷西自順寧招安  
砦東自黑水安定中自塞門龍安金明以南二百里間相繼不絕  
至延州北百里自長城一日馳至金明列營環城乾順母子親督



擗鼓縱騎四掠。知麟州有備。復還攻金明。皆臨之。帝初聞有夏寇。泰然笑曰。五十萬深入吾境。不過數日。即勝。不過得一二砦。即去。已而果破金明。引退。七年夏四月。知渭州章采上言。城胡蘆河川。據形勢。以逼夏。朝廷許之。遂合熙河秦鳳環慶廊延四路之師。陽繕理他砦數十所。以示怯。而陰具板築守戰之備。出胡蘆河川築二砦於石門峽江口。好水川之陰。夏人聞之。率衆來龍安。采迎擊。敗之。二旬。又二日。城成。賜名平夏城。靈平砦。元符元年冬十月。夏入圍平夏。章采禦之。獲其勇將。蒐名阿埋。西壽。監軍妹勒。都連。斬獲甚多。采在涇原日久。創州一城。砦九。屢敗夏人。而沿邊諸路相繼築城于要害。凡五十餘所。進逼夏境。及是有平夏之捷。夏人不復。



振徽宗宗寧四年三月復銀州是月夏人寇塞門此石政和五年秦  
鳳經畧使劉仲武將兵出會州至清水河築城屯守而還九月夏  
人大掠蕭關是時蔡京當國用童貫領六路邊事宣和元年三月  
貫使熙河經畧劉法取朔方法不欲行強遣之乃引兵二萬出統  
安城與夏兵遇戰敗死之四月貫以种師道劉仲武劉廷慶將廊  
廷環慶兵入西界至蕭關大破夏人取水而石割踏皆鳴平其三  
城又破之於震威軍五月敗夏人於靈武初夏人恃橫山諸族悍  
強勁善戰故用以抗中國慶曆間姚嗣宗首發收橫山之議范仲  
淹用之即而元昊納款元豐間种諤亦以為言故興靈州之師及  
王師失利之後李憲又獻進築之議神宗厭兵不克行童貫亦出



憲之門欲成憲志。政和以來合諸路兵出塞進築。遂得橫山夏國  
失所恃。乃因遼人納款請和。且以誓表進前次所未有也。朝議許  
之。因詔童貫罷兵。宋夏三戰爭。至是始息。而套南獲安。然不及三  
年。完顏氏勃興套東北。部戰爭又起。宣和四年夏六月。金破遼兵。  
遼主走陰山。夏將李良輔將兵三萬救遼。次天德軍境。金兵敗之。  
於宜水。追至于野谷。澗水暴至。夏人漂沒者不可勝計。五年夏五  
月。夏主李乾順遣使請遼主臨其圍。遼主從之。遂渡河。次金肅軍。  
金兵趨天德。遺書于夏使。執送遼主。且許割地。六年春正月。夏遣  
使如金。奉誓表。以事遼之禮。稍藩於金。且受割賜之地。黏沒喝承  
制。割下寨以北。陰山以南。乙室邪剌部吐祿。深西之地。與之。欽宗



靖康元年春金遣宗翰如夏許割天德雲內金肅河清四軍及武州等八館之地約攻麟州以牽河東之勢夏人許之遂渡河盡取諸地因掠麟府攻震威城陷之既而粘罕遣將希尹以數萬騎陽為出獵奄至天懷夏人復奪所割天德雲內河東八館武州惟金肅河清二軍在大河西不能取之夏人雖怨而不敢報及婁室定陝西乃分陝北地與夏於是金夏不交兵者亘八十年寧宗嘉定二年蒙古主入河西大敗夏軍乘勝進薄中興府引河水灌城夏主安金末投於金金主衛紹王新立不能救夏人怨之因納女請降於蒙古三年遂侵金葭州金慶山奴擊敗之而去四年冬夏人連臨邠涇金人禦之獲牛馬千餘五年春三月夏人犯金葭州



六年夏六月夏破金之保安州及慶陽府冬十一月夏攻金會州  
七年八月夏侵金延安金詔有司移文青問八年春正月夏入攻  
金環州冬十月夏入入保安都統完顏國家奴破之攻延安又為  
戍將所敗九年金延安兵敗夏入於安塞堡又戰於廊州之倉曲  
谷勝之十年夏人犯綏德之克戎塞都統羅世暉逆擊却之是年  
冬十二月蒙古圍夏興州夏主遵頊出奔西涼命其子居守十一  
年夏五月夏入自葭州入廊廷金元帥承立敗之馬吉亥十二年  
閏七月夏入破葭州之通秦寨元帥完顏合達出安塞堡以擣其  
巢至隆州夏人逆戰守軍擊之衆潰進薄城臨其西南隅會日暮  
乃還十三年二月元帥慶山奴攻夏宥州圍神堆府穴其城士卒



有登者援兵至擊走之斬首二千俘百餘人獲雜畜三千餘九月  
夏人圍綏平寨定安堡是月夏遣使至宋促會師先是夏屢以書  
至四川議夾攻安撫使使丁燦許之至是夏人遣其樞密院宰子  
寧率衆二十萬圍金鞏州宋四川安撫司命都統張威等分道進  
兵克金來遠鎮又克鹽州鎮進攻定邊城會夏師攻金鞏州不克  
諸將乃引還自金夏以小故生讎搆難十年一勝一負遂至精銳  
俱盡兩圍皆弊蒙古乃乘勢進擊夏益不支十四年冬十月蒙古  
木華黎由東勝涉河破金葭州進攻延安夏將野蒲甘卜率所屬  
降於蒙古十六年蒙古兵攻夏破賀蘭山夏主遵項傳國於其子  
德旺理宗寶慶元年冬十月蒙古主鐵木真伐夏取甘肅西涼等



州進次鹽州二年冬十一月蒙古主進攻夏靈州夏遣寇名令公  
以十萬衆來援蒙古主渡河擊夏師敗之還次六盤山夏人堅守  
中興蒙古主遣察罕入城諭以禍福三年春正月蒙古主留兵攻  
夏王城自率兵渡河攻金積石州夏六月蒙古鐵木真盡克夏城  
邑其民守鑿土石以避鋒鏑免者百無一二白骨蔽野蒙古主避  
暑於六年盤山仍命阿朮魯等總兵與夏大戰於刺合察兒之地  
逾月夏國王覲力屈出降遂繫以歸夏立國凡二百餘年抗衡宋  
遼金元四國徇鄉無常視四國之強弱以為異同至是乃亡河套  
遂無遼國者後歷二百三十四年而明代有套寇之患元末王保  
保鎮河套總制關陝明太祖洪武元年保保據定西為邊患三年



春以徐達為大將軍出西安擣定西大破之於沈兒谷口是時大將軍湯和已破察罕腦兒獲猛將虎陳足東勝明年元兵入寇武朔掠白登保德河曲詔李文忠等備西北邊文忠自東勝進兵敗敵於大石崖又敗之于豐州於是諸部遁河外居漠北二十七年城東勝設衛以轄十二縣因河以守延綏諸邊不被兵革之禍者垂六十年景皇帝之二年韃靼部長字來立脫脫不花子麻兒可兒號小王子與其屬毛里孩等雄視部中以征瓦剌為名往來塞下始來隙寇掠憲宗成化元年秋字來散掠延綏冬復大入渡河曲圍黃甫川保土官軍力戰乃引去初韃靼之來也或在遼東宣府大同或在寧夏莊浪甘肅去來無常為患不久景泰初始入河西



犯延慶然部落少不敢深入英宗天順六年有斡羅出者率屬潛入河套居之是時東勝之衛已撤套地孤懸邊備廢弛於是孛來與小王子毛里孩等先後繼至擄中國人為响導抄掠延綏無虛日遂為邊境門庭之害成化二年夏虜人入延綏分兵散掠平涼入靈州及固原長驅寇寧靜隆德諸處冬復入延綏參將湯胤勳戰死三年冬寇延綏明年春再入守將評寧等輒擊敗之冬復糾三衛入寇延綏榆林是年二月別部別兀加思蘭孛羅忽亦竊入河套兀加思蘭舊居土魯番後稍引而東與諸部相雄長殺斡羅出併其衆而結元孽滿魯都踞套中為久居計十二月兀加思蘭寇榆林五年孛羅忽兀加思蘭寇延寧六年七月孛羅忽入榆林



塞延綏告急帝命撫寧侯朱永為大將軍禦之而以都御史王越  
參贊軍務永至數以提聞越等皆陞賞論功永世侯而敵據套自  
如因救越總關中軍務議搜河套復東勝越奏言河套水草甘肥  
易于駐劄腹裏之地道路曠遠難於守禦李羅忽朮加思蘭等糾  
率醜類居套出入數年雖嘗阻于吾師然未經挫衄終不肯退乞  
命廷臣共議得一爵位宗重威望素著者統制諸軍往圖大舉朝  
廷從其議乃以武靖侯趙輔為將軍悉節制諸路未幾召還以寧  
晉相劉聚代之聚亦無功仍命王越以總督視師越令諸將分軍  
各守營堡自與太監恭太監恒統軍萬二千有奇軍於榆林分東  
西二路夾之繼與西路左都督劉玉東路右都督劉聚擊虜於墩



河套 羊 糸  
索尖先是文臣視師者從大軍後出號令行賞罰而已至越始多  
選驍勇跳盪武騎將而與虜戰探虜所聚或其空騎伺怠邀殺之  
用是多成功七年春水上戰守二策廷議以糧價馬乏難于進勦  
請命邊將慎守禦以圖萬全於是史部侍郎葉盛巡邊偕廷綬巡  
撫余子俊等議築邊牆設立營堡而罷搜套之說九年秋滿都魯  
字羅忽札加思蘭三酋並寇韋州總督王越偵知其老弱盡集於  
紅鹽池可取也乃與總兵評寧遊擊將軍周玉等各率輕騎晝夜  
馳三百里天未明至其廬穴焚殺無遺又分兵千餘伏于他所比  
午滿魯都等聞警引歸悉力趨戰越結陣徐行督諸將禦之方戰  
伏兵忽從後呼噪進戰虜見腹背受敵遂驚馬潰自寇據河套以來



無歲不深入殺掠人畜至數千百萬邊將擁兵莫敢誰何徹所遺  
老弱及殺平民以上功冒陞賞三遣大將朱水趙輔劉聚出師亦  
効邊將故習以是寇益驕內地且危廷臣日議搜套聚兵八萬糜  
資儲無算而師竟不出及是捷賊內失其掣相與悲泣渡河北去  
十年閏六月巡撫廷綏都御史余子俊奏修築邊牆由是陝北之  
所禦稍固未幾諸部自相仇殺強酋死亡略盡邊人稍得息肩然  
其殘餘之部落仍出沒無常糾眾盜邊孝宗弘治八年北部亦小  
剽因王等復擁眾入套駐牧小王子及脫羅干之子火篩與之相  
倚日益強大九年宣大廷綏諸境俱被殘十一年王越率輕兵襲  
敵於賀蘭山後破之十二年十月火篩入榆林塞十三年火篩入



榆林平江伯陳銳無功以保國公朱暉伐之十四年秋朱暉率五  
路之師從江城子墩出塞乘夜擣虜巢於河套虜已先覺徙家北  
進毀其廬帳斬老弱百餘級而還未幾小王子以十萬騎從花馬  
池入散掠固原寧夏境三輔震動戕殺慘酷人髮多紫宵宿草間  
十二月火節復入套十五年夏掠偏頭關十六年春敵三萬騎圍  
靈州踰月解去散掠內地指揮仇鉞總兵李禪聚走之夏虜入榆  
林塞千戶湯璽力戰死之武宗正德元年春敵入鎮夷所指揮劉  
經死之夏自花馬池毀垣入掠隆德靜寧會寧諸處歷兩旬不返  
關中大擾命巡撫楊一清總制陝西廷綏等處邊將兼督馬政一  
清上經畧三疏時劉瑾用事監軍皆閹人一清旋得罪去職文貴



才寬相繼受事二年冬才寬禦敵於花馬池中伏死而總兵馬昂  
與別部亦孛來戰于木瓜山勝之十年八月套酋自榆林直犯米  
脂綏德無定河大川至黃河西岸大殺掠十一年二月又入榆林  
塞十二年冬小王子以五萬騎自玉林入寇屢帝幸陽和親部署  
總兵王勛等遇敵於應州敵圍之帝督諸將往援衆殊死戰敵稍  
却會暮止營明日敵來攻自辰至酉戰百餘合敵引而西追至平  
虜朔州值天風黑霧晝晦帝乃還十三年冬十月帝自編頭渡河  
幸榆林四年二月自榆林還京師嘉靖元年套騎二萬自井兒堡  
撤牆入固原平涼涇州殺指揮楊洪千戶劉端十二月寇回原環  
衛間殺傷以萬計五年秋小王子以數萬騎入寧夏塞八年十月



寇榆林塞總督王瓊擊却之十一年春小王子乞通貢未得命怒  
遂擁十萬騎入寇總制唐龍請許之帝不聽龍連戰頗有斬獲時  
套內外諸部落惟小王子為最強控弦十餘萬多蓄貨貝後稍厭  
兵乃徙幕東方所分諸部落在西北邊者甚眾而曰吉囊曰俺答  
者於小王子為從父行吉囊復併火篩之眾專據套內俺答居套  
外東北之地二人皆雄黠喜兵為諸部長相率躡諸邊十二年春  
吉囊擁眾將犯延綏邊臣有備不得間乃突以五萬騎由野馬川  
渡河徑入西海龍亦不剌卜兒孩兩部大破之收其部落大半歸  
於套內十三年秋吉囊入榆林塞分兵由花馬池入犯遊擊梁震  
敗之於定邊十四年吉囊入榆林掠內郡叅將魏祥死之十五年



夏吉囊以十萬衆屯賀蘭山寇涼州及寧夏邊秋入延綏黑河墩  
葭蘆川等處官兵四戰皆捷斬首百餘級十八年十二月套酋入  
榆林塞殺守將宋隆十九年三月套酋入榆林破清平堡掠米脂  
總兵周尙文邀擊於板青原以捷聞秋虜數入安邊定邊陝西總  
制尙書劉天和使總兵周尙文率精兵九千與戰黑木苑大破之  
吉囊子號小十王者驍果善戰卒三十餘人馳衝營由堅  
為我軍所殲虜衆奪氣遂遁去二十二年虜三萬騎犯延綏遊擊  
張鵬力戰却之二十四年秋虜兵二萬餘騎結營邊外榆林總兵  
吳瓌偵知之與副總兵李琦併兵出禦時總督張珩住花馬池防  
秋聞報即發所部延綏固原陝西寧夏四將軍兵往擊之虜由寧



塞營穿牆入遊擊張鵬避不與敵虜南馳無復顧忌而李琦自清  
平堡至靖邊營值虜殊死戰延綏固原兵適至虜解去陝西寧夏  
兵故逗遛後期虜乃趣利直抵園林驛分洛川諸處縱兵肆掠踰  
保安犯安塞留十餘日復自寧塞營穿牆出不見我軍一人巡按  
曾邦輔劾奏總督以下七將軍皆論如法惟李琦以力戰獲賞二  
十五年秋俺答以十萬騎西入保安掠環慶總督三邊侍郎曾銑  
率叅將李珍等直搗敵巢於馬梁山後斬首百餘級敵始退銑請  
復河套條為八議計萬餘言大學士夏言主之帝方嚮用言令銑  
圖上方略以便宜從事銑乃會同陝西延綏寧夏三巡撫及三鎮  
總兵議復套方略條列十八事請先修邊牆次謀復套事下廷臣



集議俱可施行。銳于是鳩兵繕塞。銳意破敵。二十六年夏五月。曾  
銳出塞。龍套部勝之虜移帳。漸北間。以輕騎出掠。銳復督諸軍驅  
之。遂遠遁。不敢近塞。會嚴嵩與夏言不協。且欲躡其首輔。因災異  
疏陳。缺失指言。銳聞邊誤國。帝意中變。遂罷言。逮銳詣京。二十七  
年春。俺答踏冰踰河。入套。將謀犯延寧。聲勢甚張。巡撫延綏楊守  
謙以聞。嵩激上怒。謂俺答合衆入套。皆曾銳妄問邊警所致。兵部  
侍郎萬鎮咸寧侯仇鸞復文章劾奏言。與銳竟得罪論斬。西市虜  
聞之。益驕。當是時。吉囊已死。諸子旅古吉寺。散處河西。勢既分。惟  
俺答獨盛。咸擾延綏諸邊。未幾。俺答移駐咸寧海子。悉力東侵。而  
宣大。幽薊諸邊無寧宇。京師戒嚴者三。猶復不時分兵掠西塞。三



十一年冬犯寧夏明年春犯延綏夏犯甘肅秋入鄜廷駐兵二十  
日延慶諸城屠掠幾徧乃移營中部以矚涇原會久雨乃去三十  
三年春套酋寇高家堡副總兵李撫死之夏犯寧夏三十四年吉  
囊子吉能犯建安柳樹會葭州至府谷叅將楊璫死之三十五年  
俺答犯陝西環慶諸邊三十六年套酋犯榆林副總兵陳鳳戰死  
時妖人趙富丘全等在俺答所招集亡命居吉豐州築城自衛構  
宮殿鑿水田號曰板升板升華言屋也三十九年秋天同總兵劉  
漢興叅將王子孟夏等擣豐州擒斬一百五十八人焚板升畧盡是歲  
敵寇延綏諸邊無虛日明年春敵自河西踏冰入寇四月犯鎮靖  
堡殺掠二千餘人冬掠陝西寧夏塞十一月犯榆林南下攻葭干



川大牆至米脂守備謝世勳戰死四十一年冬俺答犯寧夏延綏  
總兵趙守分部銳卒令裨將李希靖等東出神木堡擣敵於半坡  
山徐執中等西出定邊營擊敵騎於收麥湖皆勝之共斬首一百  
十九級四十二年七月套酋臨黃甫川堡把總高秉鈞死之四十  
三年正月套酋入塞總兵趙守帥師出榆林邊至黑灘克之四月  
虜臨黃甫川堡九月犯鎮靖堡參將魯聰戰死四十五年六月虜  
臨筆架城七月溥安塞縣分騎掠延安北關及東西兩川八月入  
甜水堡總兵郭江等戰死穆宗隆慶元年俺答率衆最萬分三道  
入井坪朔州老營偏頭關諸處邊將皆不能禦遂長驅至汾隰山  
右大擾有俺答逆命爭戰三十餘年諸邊困弊俺答老而佞佛亦



厭兵時兵部侍郎王宗吉鎮西邊備禦頗固勢漸衰至孫把漢那  
吉來求降督撫王崇古弟賓免丙免才逢時等令縛漢奸趙全等  
來獻俺答遂歸命封順義王西部吉能及其臣切盡等亦就撫因  
開貢市俺答既就市事朝廷甚謹十年梟漢那吉死子黃台吉襲  
爵又三年死子捨力克嗣其妻號三娘子厯配三王主兵柄為中  
國守邊衆畏服之敕封順義夫人自宣天至甘肅不用兵者二十  
有餘年神宗萬曆中捨力克西行遠邊而套部莊秃賴等據水塘  
卜失免及落赤等據莽刺捏工兩川並事寇抄十九年冬別部明  
安土昧分犯榆林邊總兵杜桐禦之斬獲五百人殺明安明年春  
寧夏哮拜亂拜韃靼種也嘉靖中亡抵朔方屢立戰功授職副將



復為巡撫党馨所截，扼怒而殺之。櫻城叛，命其党徇玉泉中衛廣武，皆下之。攻平虜，踰月不能克。又渡河，款取靈州，齎金帛誘套部。著力兔等許以花馬池一帶，聽其駐牧，勢大猖獗，全陝震動。三月，套部千騎薄劄剛堡，千總汪汝漢發三矢，殺三人，乃解去。著力兔打正等引控弦三千騎，馳入金貴堡，又攻平虜堡，噶拜欲自出與套部合。會都御史葉夢熊至靈州，分五軍圍寧夏，隔噶拜不得與。套部相勾結，套部不得拜，遂不敢渡河。深入六月，套部莊禿賴與卜失兔合，部落王萬先使土昧緝糾雷等犯定邊，小鹽池而打正以萬騎從花馬池西沙湃入，總督葉夢熊檄德兵麻貴偵擊，以寧打正別遣董一元乘虛出塞，擣土昧巢穴，斬獲三千餘級。套部驚



引去未幾著力兔以八百騎入鎮北堡又擁衆萬餘入李剛堡分  
部渡河總兵李如松遣裨將李寧等馳入黃峽口擊之行至張亮  
堡遇敵搏戰會麻貴李如璋等亦至張左右翼夾擊大敗之追奔  
至賀蘭山盡走出塞九月總督葉夢熊提督李如松等諭諸將急  
攻寧夏破之噶拜自殺死寧夏平而套東西各部亦乞款惟卜失  
兔倔強二十二年秋卜失兔入固原遊擊史見戰死廷綏總兵麻  
貴禦之閱月始退冬東部炒花犯鎮武堡總兵董一元與戰大破  
之明年春松部宰僧等犯陝西總督葉夢熊擊却之二十四年春  
總督李以勁兵分三道出塞襲卜失兔營共斬首四百九級獲馬  
畜器械數千計秋著力兔阿赤兔火落赤水部卜炒花等合謀犯



西邊守將皆嚴兵却之。是時套部分四十二枝，各相雄長，卜失兔  
建空名於上，西則火落赤，最狡，要挾無厭。中則擺言太，以文明安  
之，死無歲不入犯。東則沙計，爭為監市，與炒花明，是別有延綏部  
猛克什力者，亦以挾賞故，常抄掠沿邊。多者三四千騎，少者一二  
千騎。部落既分，勢漸不競。四十二年，猛克什力自懷遠堡入寇，延  
綏總兵官東忠等禦却之。四十三年，吉能挾討王封金印等十大  
事，不許。天舉入犯，大相油孤山中軍劉聚死之。十二月，沙計歹成  
等謀犯雙山堡，官東忠出塞擊破之。四十四年，沙計寇高家堡，都  
司簽書王國安死之。是年，總兵杜文煥數破套部。猛克什力于延  
綏邊，東西諸部皆懼。先後來請貢市。熹宗天啟元年秋，吉能犯延



綏邊杜文煥擊敗之。明年春復大掠延安黃花峪，深入六百里，殺掠居民數萬。三年春，銀定糾衆再掠西邊，官軍擊之，敗。四年，清兵襲破炒花所，皆散亡。半歸於插漢時卜失兔，歲號令不行於諸部。惟東部長千鬼罵等仍歲犯。延綏諸邊愍帝宗禎，元在春命安置降丁于延綏等處。初，兵部請置之山海關三屯營，不許。於是流賊與套酋相勾結，屢犯涇陽。延綏黃甫川堡為巡撫洪承疇總兵杜文煥所破。三年十月，王嘉引陷清水營，殺遊擊李顯宗，遂破府谷。十二月，神一元破寧塞，據之，殺叅將陳三槐，勾西人四千騎圍靖邊。遂陷柳樹澗，保安城。四年二月，杜文煥合軍圍保安，神一魁突圍出，復糾賊數萬，劫寧夏。五年三月，套酋以三百騎近塞，稱



插漢求款千總李世科陣歿曹文詔等隔之乃不得入六年夏插  
漢聞清兵且至盡驅部衆渡河遠遁套部為插漢所逼火落太及  
古魯部來降秋七月插漢自高家堡入犯焚掠至下密溝九月插  
漢入延慶未幾插漢部衆盡為清兵所得而套部仍歲入寧夏甘  
涼諸邊巡撫陳奇瑜總兵馬士龍督師洪承疇輒擊敗之部長  
千兒罵亦為總兵尤世祿所斬其留遺者是為鄂爾多斯諸族套  
寇之禍至此始已而明社亦墟

清太宗天聰八年明崇禎七年也清兵追察哈爾至歸化城林丹  
汗走死於青海之大草灘其子額哲在套先是套部苦林丹汗之  
虐糾合喀喇沁阿已噶諸部敗察哈爾兵四萬於土默特之趙城



九年清軍將渡河西追額哲鄂爾多斯先邀與盟攘其部衆而獻  
千戶於清遂為清藩屬順治初出兵隨英親王剿流賊於陝西康  
熙中會剿叛賊王輔臣皆有功康熙三十四年奏一師三路征準  
噶爾命大將軍費古出歸化城振武將軍孫思克等率陝甘兵出  
寧夏邀噶爾丹歸路二月思克等循賀蘭山而北越兩郎山與費  
揚古會師大破準夷於照莫多噶爾丹遠遁七月車駕還次歸化  
城勞西路凱旋之師三十五年秋上聞噶爾丹窮蹙欲降之九月  
車駕再幸歸化城駐蹕鄂爾多斯諸札薩克渡河朝御營獻馬請  
設驛饋運出兵扈蹕上嘉其俗龐土沃牲物獵嫻固覽形勢謂札  
薩克等曰明人議河套畏爾蒙古如榻側卧虎亦其時無入耳若



今日大軍且逾陰山賀蘭山出其背後其奈我何諸扎薩克稽首  
曰今天下一家上奈何出此驚人之語耶三十六年春二月車駕  
復渡黃河自定邊寧夏命馬思哈貴揚古西路進兵將循賀蘭  
山出邊親征準噶爾會噶爾丹仰藥死貴揚古馳奏遂自河套回  
京師是時鄂爾多斯諸部及西套厄魯特部皆荷戈從戎西套厄  
魯特者初為準噶爾所破避居大草灘末達賴喇嘛表請甘肅東  
北之龍頭山蒙古語謂之阿拉山即古賀蘭山之陰賜其游牧以  
距邊六十里為界詔許之其後常與青海厄魯特部相連結雍正  
二年王師定青海以阿拉山屏蔽寧夏和碩特舊游牧以後近歲  
或徙山前較扎薩克郡王阿寶部眾歸山後乃與青海分部乾隆



中大軍剿準四二部及討蘭州石峰堡逆回輒以所部為軍鋒故阿拉山兵稱號雄魯爵親王自是賀蘭山東西諸部永為清不侵不叛之臣河套內外諸州縣不罹兵革之慘者垂二百有餘年至同治朝而有馬化龍踞金積堡之事馬化龍者回首也同治元年陝回煽變遣党四出勾結於是靈州之同心城鹽茶廳之預望城伏莽滋起而馬化龍亦據金積堡設碉卡納亡命反側鷓張虎視一隅十月靈州四起臨州城而寧夏漢回互鬥回夜襲州城臨之寧夏既陷其酋赫姓使使迎馬化龍入城群回跪道左咸聽命焉三年春三月固原提督雷正綰偕陶茂林曹克忠會師援甘將軍都興阿統寧夏軍駐靈州之花馬池五月雷正綰陶茂林復平涼



瓦亭固原進兵張家川四年三月雷正綰克里城子曹克忠復益  
茶廳城餘回併入李旺堡同心城而寧夏回掠鹽場花馬池上慮  
都興阿兵單飭雷正綰撥兵赴定邊顧後路時曹克忠方攻同心  
城雷正綰攻預望城五月正綰克預望下馬關進攻靈州曹克忠  
下同心城進駐寧安堡聲言渡河援中衛乃徑趨金積堡屯強家  
沙窩雷正綰由靈州進兵與相聯六月兩軍均薄金積堡回預伏  
馬隊萬餘有十里外圍抄雷營先挫傷亡二千餘人曹克忠軍亦  
敗退營官周有貴等戰死是時甘省荒蕪將帥徵餉不至士卒忍  
饑苦戰又遭挫敗諸軍皆嗾潰於是回勢益張有西安至蘭州千  
里烽火相望總督楊岳斌馳驅於慶陽蘭州間久無功五年正月



金積堡回窺延鄜北山定邊均有回踪十月西捻偏潼華走朝邑  
將興回合楊岳斌乞休詔移閩浙總督左宗棠為陝西總督授為  
欽差大臣未至回走慶陽分黨擾鄜州膚施安塞甘泉六年八月  
甘回掠鄜州宜君劉厚基敗之羌村回復掠水脂犯榆林是時捻  
陷延川破綏德土匪危彰路保安安定間衆數萬人董福祥踞花  
馬池衆數十萬清卒遊勇互相結連而回之遁入慶陽寧州正寧  
鎮原清水者絡繹奔赴奪南諸州縣寇氛殆遍十一月劉厚基克  
延川劉松山郭寶昌克綏德七年正月劉厚基克鄜州四月劉厚  
基擊回於延安部將劉文華甘彰輝敗死士卒傷亡過半五月魏  
光燾劉厚基進宜川攻雲岩鎮下之俘斬五千餘人誅其首張大



有等八人燬北山寇巢殆盡七月金順敗回榆林土匪扈彰詣劉厚基乞降八月金順劉馨集擊回於綏德大破之燬回堡十餘城二千餘人九月回襲綏德成定康擊却之

同治七年十月左宗棠自京師還抵西安部分諸將屯要害擊劉松山征捻之師由茅津北渡入山西乘冰橋赴陝土匪董福祥犯綏德窺榆林金順自榆林迎擊於五龍山大破之匪遁邊外金順追至瓦尾河要擊於金鷄灘敗之而邊外回窺神木府谷乃引兵還榆林十一月劉松山軍次綏德擊回于大小理川大破之下匪巢以百數俘斬八千餘人進屯安定北攻隆慶鎮匪窺靖堡鎮靖堡者董福祥老巢也其眷屬則竊踞靖邊松山軍抵鎮靖董福



祥之父董世有乞降松山受之先是陝北土回各匪叢聚北山此  
剿彼竄諸軍久不得要領而陝回之遁入甘邊者集於慶陽以董  
志原為巢穴北通金積東走陝疆往來無阻董福祥既降松山才  
事安插而分駐綏德之十營叛踞州城松山聞變馳還清澗戮叛  
卒百二十七人凡旬日而事定於是搜斬延綏所屬遊勇潰卒之  
變名溷跡者北山漸謐宗棠乃檄諸軍漸次入隴尅期大舉誓破  
董志原回聞恟懼棄董志原併入金積堡黃鼎雷正綰等移駐焉  
八年二月黃鼎追回于環縣雷正綰追回于議河皆敗之賊回二  
萬餘獲騾馬萬計涇州慶陽所屬肅清回由固原分竄蕭河預望  
半角等城四月邊外回犯花馬池金順部將富勒琿擊却之回自



烏拉搶渡。竄扎薩斡。金順自將出邊。回已遁。乃率諸軍道扎薩郡。王答拉斡。由包頭迤西渡河追之。而董志原餘孽之竄寧夏者。寧回導之北。援蒙古斡地。由鄂爾多斯入烏拉特。河東七斡蹂躪殆遍。遂道磴口趨阿拉善牙帳。阿拉善親王遣其台吉長史佐領率蒙古擊之。回燒磴口廬帳。掠沙金托海。毀台站。殺官弁。進圍定遠營。燬其親王園第冢墓。適張曜軍次蘭扇。要擊於察漢淖爾。大破之。而紅柳樹伏寇頓起。張曜烏爾那遜奮擊。敗之。追至廣宗寺定遠之圍始解。六月。金順自昭君墳渡河。屯什巴爾吉。張曜軍抵纏金偵。寧夏西舉自石嘴山至中衛。陝回圍集。遣將要擊之。回輒引去。遂復寧夏。未幾。金順張曜會師沙金托海。方由中灘鼓行西進。



而寧夏回復叛圍郡城乃兼程赴援擊叛回於寧夏城外天破之  
時左宗棠駐涇州之瓦雲驛檄劉松山北趨定邊花馬池直搗金  
積黃鼎簡敬臨由固原北進八月劉松山軍抵靈州回踞吳忠堡  
決秦渠以阻官軍松山分軍修渠自以大軍擊破回巢十餘遂偏  
吳忠而壘九月河北陝回竄入賀蘭山張曜敗之福因寺阿拉善  
王以聞飭左宗棠兼顧蒙邊張曜金順乘勝擊陝回於漢渠天破  
之回走納中間張曜金順分屯漢渠東南毀回寨四已而復進攻  
王家疇斬其酋趙五阿渾下馬秦納洪西寨上以寧夏距金積近  
飭劉松山與金張兩營聯絡是時松山已克靈州雷正綰周蘭亭  
等復益茶廳附近諸城堡進攻張恩堡簡敬臨張福齊亦自韋州



來分駐秦渠內外距金積遠者十餘里近者七八里自九月迄十  
二月松山圍攻金積戰無虛日破其守近堡寨大半馬化龍首鼠  
兩端陽哀詞乞撫而陰啖他股龍定邊擾北山莫斷劉松山糧道  
九年正月馬化龍遣其党馬正剛等出惠安堡分由寧州正寧入  
陝西之三木另股竄甘泉興延綏土匪合定邊回復臨安定進掠  
寧條梁陝北大擾松山攻金積益急自督兵燒馬五寨飛礮中左  
乳囊於軍宗崇急檄松山從子劉錦棠統其師馬化龍兇焰復熾  
分党四出以牽動圍師乃上規峽口下瞰下橋永寧洞將據秦漢  
兩渠以自固於是留正綰新築之三壘皆臨陝口亦失固蘭亭張  
福齊以糧盡退屯鳴沙州二月回傾巢大出騎隊趨板橋步隊決



渠水南趨金運昌阻於水錦棠分三路集水與之合黃萬友發磬  
山礮輪擊之回始退劉錦棠等傍壘築堤北抵董渠南接金積里  
許其高丈餘濶三丈濬深溝資堵漫回計大窘乃傍山水溝築三  
壘錦棠等攻破之分黨犯靈州錦棠襲之於王銀柵復大破之又  
以悍党數百渡黃河劫廣武中衛糧運黃萬友設伏待之殲殺殆  
盡後遣陳林襲臨花馬池大掠而返劉錦棠伏兵靈州斬党魁楊  
興隆自是戰爭歷六閱月錦棠盡平其東南北三面四寨築壘逼  
東關瞰回巢回益恟懼八月雷正綰黃鼎奪還峽口破古靈州城  
劉錦棠金運昌掘濠築牆以困賊十月錦棠增兩壘於東門築砲  
台俯擊回巢堡中精銳殆盡十一月馬化龍等窮蹙詣劉營乞降



錦棠開壁納之十年正月磔馬化龍父子於軍營安置餘衆于化  
平川於是平涼以北寧夏以南土回餘党搜斬無遺自陝回肇事  
關隴羣兇率視金積為向背金積既下群回瓦解馬化龍以一隅  
之地抗衡天兵者九年多隆阿盤錯於鹽屋楊岳斌避回於環慶  
左宗棠率湘中名宿老師縻餉任事三載始能克之此固宗教之  
信仰使然毋亦金積地勢左山右河背倚河套其險有足恃歟綜  
計自周迄清三千年中建國於河套者有二集雄草竊叛卒悍民  
盤踞一地以抗朝命者有六雄主親臨以耀武却敵者有七竄入  
套地及侵掠套地之種人有四其由北竄入者為匈奴突厥党項  
韃靼由東北侵掠套地者為招拔橐然契丹女真由東北及西北



征服套地者為清之太宗蒙古之太祖由西南侵掠套地者為西  
羌吐蕃惟正南與東南則為華夏經營全套之路而劉石姚苻慕  
容氏高齊宇文氏或為胡羯或為鮮卑或為氐羌或自北入或自  
南進或即長生套地之人民皆異種人也匈奴突厥回鶻回種也  
赫連夏為匈奴之苗裔亦回種也鮮卑素然拓拔党契丹女真前  
清出自肅慎而跋拔夏李繼遷本屬平夏党項亦東胡肅慎裔也  
韃靼部落及今之伊克昭盟諸斡蒙古族也氐羌吐蕃皆西藏唐  
古特種也惟漢唐盛世全為華夏人所據有然為時不足三百年  
耳若夫套外四週之重鎮則西南自寧夏以迄花馬池古興慶靈  
鹽之地也東北自橫山以東經榆林綏而迄神木府谷古上郡麟



銀之地也。東北自清水河以迄歸綏和林格爾托克托諸城古雲  
中定襄盛樂振武東勝東受降城遼郡設治之地也。正北自包頭  
西經烏拉特以迄纏金古五原金甯雲內大同天德中西二受降  
城之地也。纏金以西古高闕鷄鹿之塞也。皆戰爭之要會也。惟夏  
州居中控制實為套南北之樞紐。積土廢以後千餘年來其遺跡已  
不可考矣。此諸郡都會若失其一城一地則以一指而牽全身一  
城覆則全套皆震。全套復則九邊皆震。固不僅出套則犯宣大入  
套則擾陝甘已也。昔人謂此地安則東與西皆安。豈不然哉。愚故  
歷記周秦以來迄于清末河套所經兵革興夫南北種人強弱之  
原。歷代謀畫得失之迹。俾來世籌邊者有所考鏡焉。



河套歷代墾殖考

中國河套殖民實始於秦秦始皇帝三十二年蒙恬悉收匈奴河南地乃築三十四縣臨河徙適戍以充之三十三年蒙恬又渡河取高闕陽山北假中築亭障以逐戎人徙謫實之初縣三十六年遷北河榆中三萬家是時套內富實類關中故亦號新秦漢武帝元朔二年衛青李息等復收河南地興十餘萬人築衛朔方轉漕甚遠自山東咸被其勞費數十百鉅萬乃募民入奴婢得以終身復為郎增秩及入羊為郎主父偃盛言朔方地肥饒外阻河蒙恬城之以逐匈奴內省轉輸戍漕為廣中國攘外款之本事下公卿議皆言不便偃盛言其便上竟用主父計立朔方郡元朔五年漢



已得渾邪王地隴西北地河西益少胡寇徙關東貧民處所奪匈奴河南新秦中以實之而滅北地以西戎卒半元狩三年山東被水民多飢乏遣使虛倉廩以賑猶不足又募富人假貸尚不能相救乃徙貧民關西朔方新秦中七十餘萬口皆仰給縣官數歲貸與產業使者分護費以億計史記河渠書載朔方西河河西酒泉皆引水及川以溉田塞下墾殖之業稍稍盛焉東漢安帝永和中五原朔方皆為羌胡所擾二千石令長多內地人怯于戰守皆爭上徙避寇難百姓隨道死亡喪其大半自西漢以來屯墾實邊之計畫為之盡隳順帝永建初西河上郡朔方皆殘破四年虞詡上疏請復安定北地上郡三郡略謂禹貢雍州之域厥田惟上且沃



野千里穀價殷積又有龜茲

上郡龜茲縣有鹽官今秦榆林地

鹽池以為官利水

草豐美土宜畜牧牛馬啣尾群羊塞道北阻河山乘阨據險因渠以溉水畚河漕用功省少而軍糧饒足故孝武皇帝及光武築朔才開西河置上郡皆為此也而遭元元無妄之災眾羌內潰郡縣兵荒二十餘年夫棄沃壤之饒損自然之財不可謂利離山河之阻守無險之處難以為固順帝從之詔復北地上郡還舊土乃使謁者躬璜於富平境內激河凌渠為屯田省內郡費億計魏晉以後其地淪於夷狄惟北魏太宗朝備置戍衛於五原郡因河溉田薄骨律鎮將刁雍上表請開富平西艾山舊渠通河水於是溉公私田四萬頃官民均獲其利唐初既破突厥取河南地置豐勝等



州永淳中突厥圍豐州朝廷議棄豐保靈夏唐休璟上疏曰豐州  
控河過寇號為襟帶自秦漢以來常郡縣之土地良美宜耕牧隋  
唐喪亂不能堅守乃遷就靈戎狄得以乘利而交侵唐初募人實  
之西北一隅得以寬固今而廢之則河所復為賊有非國家利也  
高宗從之其後憲宗元和六年韓重華為振武軍轉運使出贓罪  
吏九百餘人給耒耜與牛使耕其旁近使地為之奔走經營相原  
隰之宜指授方法連歲大熟吏得償所亡失四十萬斛因益募人  
為十五屯屯置百三十人而種百頃今各就為保土東起振武轉而  
西過雲州界極於中受降城出入河山之際六百餘里七堡相望  
寇來不能為暴人得肆耕其中歲省度支錢千三百萬穆宗長慶



初年李聽節度靈鹽境內有故光祿渠廢塞已久聽復開浚以溉  
田又於靈州西開特進渠溉田六百頃宋初地入於夏宋史夏國  
傳云真宗時有唐龍鎮地勢險峻東至黃河二十里河東曰東纏  
河西曰西纏騎兵所不能及番部有來義二族曾持兩端事契丹  
後為契丹所破二族來歸朝廷憫其窮而優容之仁宗時為夏元  
昊所併俱廢在河套又謂興靈有古渠曰唐渠曰漢源皆支引河  
水故饒灌溉之利無旱澇之虞其時河東河北之地則分屬於遼  
遼亡夏金為八館之爭搶攘紛紜幾無寧宇漢唐屯墾遺規至是  
殆盡漂沒又按神世衡傳世衡既城青澗開營田二千頃募商賈  
通貨利城遂富實元郭守敬曰西夏有古渠在中興者一名唐來



其長四百里一名漢延其長二百五十里他州正渠十皆長二百  
里支渠大小六十八灌田九萬頃兵亂以來廢壞淤淺守敬相度  
形勢皆復其舊至於寧夏以東則未暇經理蓋元人有國日淺  
故雖有守敬之精於水利亦但及於寧夏一隅耳明洪武中既城  
東勝撥千戶劉寵屯榆林庄庄北由河套至黃河千有餘里改寧  
夏路設寧夏府府廢徙其民改置寧夏衛遷五方之人實之又增  
前後中左右共五屯衛隸陝西行都司延綏一帶屯戍耕牧之利  
漸興至中葉以後河套內外悉入蒙古為游牧地其勢力範圍為  
明人所不敢問故除寧夏榆林二衛之外不復有屯墾之跡焉蓋  
明臣之論河套者大抵以增營堡築墩台修邊廬為言鮮有為屯



壑計者如兵部尚書程信謂河套地曠遠無水草興師十萬則餽  
糧加倍自古禦戎來者拒之去者勿追而已吏部侍郎葉盛謂河  
套沙深水淺難以住牧春遲霜早不可耕種都御史余子俊謂修  
葺垣廬墩堡增築草場界至時加巡察敢有越出塞垣耕種及移  
徙草場界至者俱治以法以此觀之其於河套屯壑計畫全未見  
及概可知矣後總督王越謂守險拒敵防其深入於榆林及新設  
城堡各計其屯田歲入之數留兵屯守而移置其多餘之屯於定  
邊營要害之地委謀勇將官統之如此則虜不敢深入總督王瓊  
謂榆林東中二路天邊六百五十六里當修者三百十里二邊六  
百五十七里當修者二百四十八里二邊乃成化中余子俊所修



因山為險屯田多在其外大邊乃弘治中文貴所修防護屯田中間率多平地築牆高厚不過一丈可壞而入今當先修大邊必使岸塹深險牆垣高厚此雖言及屯田猶非河套計畫也惟總督曾銑請復河套疏籌畫精詳最為卓識略謂河套古朔方地三代以來悉隸中國漢武取河南地為朔方郡築城繕塞因河為固後世稱之曰雄才天略唐初朔方軍以河為境嗣是張仁愿取河南地於河北築三受降城突厥不敢踰山牧馬朔方亦無寇歲損費億計至宋李繼遷叛走地介澤進臨靈肅河套復為虜有率不能制我太祖高皇帝順天應入薄海內外皆入版圖豈界河套已乎後以東勝孤遠撤之內守復改榆林為鎮城才初徙時套內無虜土



地沃膏草木繁茂禽獸生息當事之臣不以此時據河為守乃區  
區於榆林之築此時虜勢未大猶可為也失此不治弘治八年虜  
編箠渡河剽掠官軍牧馬十二年擁衆入寇自後常牧套內侵擾  
中原孝廟武廟常欲復之而未能故使虜酋吉囊得以據為巢穴  
出套則寇宜是三關京師震恐入套則寇延寧甘固生民荼毒夫  
河套自三代以迄於今中國所守以界夷夏又我聖祖之所留也  
一統故疆三邊沃壤其理宜復又謂將套中之地預為踏撥多立  
魚鱗籍冊以防日後弊端每軍民一戶給田二頃俾歲耕一頃閑  
一頃是謂閑田以養餘力其沿邊軍民亦出召募有欲守邊者皆  
給以田引黃河之水為大小之渠渠以溉田可備旱澇高黍下稻



任土所宜數年之後套地可盡墾而又行井田之意廣溝洫之制  
吾民易於稼穡勇於驅馳既臨河設險夏秋決難侵犯我得耕稼  
矣比及河凍農事已竣乃於講武之時為禦虜之計民不告勞農  
不告費行之既久則河湟之地不異中州此規模節目之大略也  
有明一代論河套者未有深切於此者也清初河套內屬尤禁私  
墾及康熙三十六年松喇布奏邊內民出耕車林塔拉蘇海阿魯  
地乞勿禁從之其地去興武營邊外才五六十里四十七年同知  
王全臣於寧夏漢唐二渠之間開墾大清渠溉田一千一百二十  
餘頃五十二年復於平羅縣開清塞渠自後靈夏全境自秦漢以  
來諸渠均經重修改建水利以興雍正四年隆科多奏略謂寧夏



賀蘭山前自察漢托輝至石嘴子中間百里其野廣平土脈肥潤  
籽種易生其地性暖可引水如西河六洋河並古渠大溝黑龍口  
倒流河黃泥河董家河悉前入引水分水故道以年久多淤塞然  
形跡尚存今若更建渠壩及放水閘其兩岸可以墾田萬頃又甘  
肅巡撫石文焯亦以前議奏聞復經議政大臣等議覆曰察漢托  
輝至漢及唐為靈州地當時唐置屯田元至正間置屯田萬戶所  
明時套夷為患渡河而西侵據內地葫蘆河之東居民不得耕種  
竇始棄之又按寧夏衛志漢唐二渠之支流有百家良田滿達拉  
等渠舊在察漢托輝左右若倣其遺制開渠建閘甚善等情具奏  
上從之特頒帑金三十萬命大理寺卿通智會同督臣岳鍾琪至



察漢托輝相度形勢經理初濬惠農昌潤二渠各溉田數千頃並  
增置新渠寶豐二縣是時合境漢唐清惠昌五大幹渠溉田二萬  
一千七百餘頃同時秦晉貧民亦展轉外徙租種蒙地延及邊牆  
以外各數十里其一部由土默特遷遼大河左右道光之後蔓延  
至於後套光緒二十九年命貽穀督辦蒙旗墾務並設五原東勝  
等廳至是各旗私墾之地一律呈報墾局丈量給領先後計在後  
套并科地七千七百九頃水租地二千頃前套并科地一萬九千  
九百九十二頃而鄂爾多斯烏拉特土默特阿拉善旗地編分如  
故也河套屯墾之沿革大略如是矣



河套歷代渠工考

河套地平土域農田引河以溉種不問雨水可獲豐稔諺有黃河百害惟富一套以此然墾套不引河域性大發仍有種無收此套地所以重渠工也漢民之種套三代以前不可考可考者自秦始史記始皇三十二年使蒙恬北擊匈奴悉收河南地築三十四縣臨河徙適戍以克土漢武帝元朔二年使衛青收河南地立朔方郡用主父偃計募民徙之於朔方西河皆引河及川以溉田太初三年遣光祿勳徐自為築五原城障順帝永建初朔方西河殘破四十年虞詡疏請復郡從之及使謁者郭璜於富平浚渠為屯田水經注河水東北逕富平縣故城西所在今製以溉田圃又云河水又



北逕臨戎縣故城西。又北枝渠東出，謂之銅口。東逕沃野縣故城南，枝渠東注以溉田。所謂智通在戎河水，又北屈而南，河出焉。又云河水又東枝津出焉。又東逕固陽縣故城南，又東南枝津注焉。水上承大河於臨沃縣東流七十里北，溉田南北二十里，注於河水。經東漢人作後魏酈道元注，所云故城秦漢之城。以今地理考之，黃河出青銅峽入套，在寧夏北流，在後套三湖灣均東流過三湖東南流，又南過托城至河曲縣西出套，富平應在寧夏境。秦漢俱隸北地郡，沃野在後套附近，黃河北流東轉處，古南河之南，漢隸朔方郡，臨沃在包頭西三湖灣附近，漢隸五原郡。由此以觀，套部以寧夏後套三湖灣等處自古以來為渠壑之區。



寧夏古渠今存者曰秦渠在河東曰漢渠一在河東一在河西其在河西者後人修之因名漢延漢有光祿御史百家詣渠亦在寧夏河西光祿徐勳自為開唐靈州大都督長史李聽修之因名唐渠即唐來而御史百家無考元史郭守敬傳曰西夏有古渠在中興者一曰唐來其長四百里一曰漢延其長二百五十里他州正渠十皆長二百里支渠大小六十八溉田九萬頃兵亂以來廢壞淤淺守敬相度形勢皆復其舊更立閘壩今漢唐二壩是也舊以薪木明簽事汪文輝易以石工益固清康熙四十七年水利同知王全臣以寧夏漢渠之西唐渠之東有地為二渠灌溉所不及請於二渠之間另開一渠七日而工成由督臣奏聞賜名大清渠溉



陳俊等九堡田地雍正四年公舅甯隆科多奏略謂寧夏阿拉善  
山前察漢托輝地上脈肥潤籽種易收可引水如西河六羊河並  
古渠大溝黑龍口倒流河新河黃泥河董家河悉前入引水故道  
以年久淤塞然形跡尚存若更建閘壩其兩岸可溉田萬頃經議  
政大臣等議覆曰察漢托輝至漢及唐為靈州地當時廣置屯田  
元至正間置屯田萬戶所明時套夷為患實始棄之又按寧夏衛  
志漢唐二渠之支流有百家良田滿達拉等渠舊在察漢托輝左  
右若仿其遺制開渠建閘甚善等情具奏上從之特頒帑金三十  
萬命大理寺卿通智會同督臣岳鍾琪至察漢托輝相度形勢開  
渠一名惠農溉夏平二縣四千九堡田地一名昌潤溉平羅境外



田地更仿漢唐二渠之制建設閘壩自是以來寧夏一區遂有漢  
廷唐來天清惠農昌潤五大幹渠溉田二萬餘頃

後套自唐以後淪為異域歷五代宋金滄桑幾變古跡蕩然銅口  
枝渠已不可考相傳清初復經天震地域沉淪乾隆間河勢南遷  
始行涸出漢族漁人足跡其地者初於近河結擇取水試耕獲利  
至道光三十年河溢北決一河名曰塔布河其水自行地中水過  
之處悉成腫田於是相繼支引灌溉人民之來歸益日衆於是有  
甄玉侯應奎郭敏修王同春輩迭出經營父子相替卒開大小幹  
渠數十溉田無算惟渠道私人經營此疆彼界規畫未能周詳及  
光緒二十九年督辦蒙旗銀務大臣貽穀奉命經營渠銀至各地方



乃將渠道報効入官設局勘估給與代價並將各渠加寬浚深廣  
開支渠由是後套一區計有水濟剛自豐濟永和我和通濟長濟  
塔布等八大幹渠墾地萬頃灌溉之利幾與寧夏相爭衡矣

至於三湖灣古臨沃枝渠亦因河流之變遷早經失考晚近新開  
亦僅合哨史家墾務小渠三道而已今將全套渠工分紀如下

(甲) 寧夏

唐來渠 唐來渠一曰唐渠賀蘭山東第一道大渠也自青銅峽  
開口接引黃河出峽之水繞石山之麓西北過唐垠堡又經寧夏  
城西寧朔城東平羅城東南至上寶間堡入西河李漢光祿渠唐  
靈州大都督長史李聽復浚後沿此稱元時廢壞河渠提舉郭守



敬復修之更立閘閘舊制以未明隆慶六年河西道汪文輝易以石工益固渠口初在觀音堂下寬十八丈深七尺繼因渠身增高納水不暢漸不穀用清康熙四十七年水利同知王全臣於河中築埝逆流而上直衝峽口至百八塔寺下劈分黃河五分之二以爲渠口名曰迎水埝埝長四百五十丈寬約二丈高一丈六七尺不等用柳圈內貯石子排列兩行中填石塊築新壘築起高於水面下用大石襯固埝基埝成藉挽河流東注之勢西折入渠水位置既高納流乃暢歷二十年渠底又淤至雍正九年侍郎通智重修設立底石上刻準底二字置石渠底春工修濬須見底石爲度乾隆四年寧夏道鈕廷彩四十二年寧夏道王廷贊嘉慶十七年



河套新編 十 四  
寧夏道蘇成額道光四年寧夏道瑞慶均奏請發帑重修

渠口自迎水埝起下游有滾水堤一道又下右岸有旁閘四座又下乃為正閘地名唐堤堡閘共五空東四空為正閘西一空為貼渠閘貼渠閘原係二空今廢一空正閘之旁有水表一高十八份每份約五寸水至十二份則遞開旁閘減水各堤閘附近又有護岸埝七以防河流之冲刷計自百八塔厘捐局迎水埝起至唐堤堡正閘止長凡二十三里零是為渠口

渠身約分五段由正閘起西北至玉泉橋為一段長五十里寬八丈深三五尺不等又東北微轉而西至良田渠口為一段長七十里寬七丈深五六尺又西北至寧夏西門橋為一段長四十里寬



六丈深七尺又西北至點馬橋為一段長六十里寬六丈深七尺  
又北至上寶間堡為一段又至渠稍入西河長一百里零寬三丈  
深四尺計由正閘至渠稍共長三百二十里零兩岸排植榆楊既  
固堤根復供薪採昏取給不盡通渠橋十二道以通耕牧往來尾  
閘一座以為蓄洩機關此舊制也今渠身淤淺水量甚微無到稍  
之日此項尾閘轉同虛設天支渠二十餘道其與正渠相接設有  
陡口大小計四百四十六道溉寧夏寧朔平羅三縣所屬之三十  
三堡田五千七百六十三份

貼渠二道與唐渠同口異閘蓋唐渠之附庸也一曰舊貼渠溉唐  
渠東岸高地自南迤北至漢現堡入漢渠長二十四里陡口三十



一道溉田一百二十三份。一曰新貼渠，由舊貼渠分水自南迤北，至清渠正間上架飛槽，用溉清渠東岸高地，長五十六里，陡口二十八道，溉田三百九十七份半。

所有唐渠大小支渠暨新舊二貼渠共計溉田原額六千二百八十二份半，每份納合六十畝，即四千七百八十九頃。今渠道淤納水不暢，溉田僅一千八百餘頃。

大支渠計約二十道，共長約七百七十里。渠名如下，小者不與焉。天新渠在寧夏城南，由東而北，長七十六里。

紅花渠在寧夏城東南，北流，長二十八里。

良田渠在寧夏城西北，流長七十九里。



滿達拉渠在寧夏城西北轉東北流長六十里

白塔渠在桂文堡長六十九里三分

新濟渠在鎮朔堡長六十五里

大羅渠在洪廣堡長二十五里

小羅渠在常信堡長二十里

果子渠在高榮堡長二十三里三分

和集渠在固澄堡長十七里

柳新渠在平羅縣長九里

黑沿渠在平羅城長十五里

亦的小新渠在張亮堡長二十里



柳郎渠在平羅城長二十里半

曹李渠在平羅城長十里

他他渠在靖益堡長十五里

掠木渠在豐登堡長十八里

羅哥渠在常信堡長六十里

高榮渠在高榮堡長二十里

湛恩渠在靖益堡長一百里

正閘一座計四空中二空各寬九尺六寸外二空各寬一丈一尺  
五寸二分上建橋房十三間碑亭一座旁房三間

旁閘四座曰關邊曰安瀾曰滙暢曰寧安均四空每空寬八九尺



至一丈

貼渠間計一空寬一丈五寸六分

尾間一座計二空

滾水堰一道長三十丈

迎水埝一道在青銅峽長四百五十丈

護岸埝七道曰賈家河溝埝曰天灣埝曰馬神廟埝曰王祥埝曰張貴埝曰陳俊埝

底石三塊正閘下一夫渡口一西門橋一

水表二柱一在正閘高十八份一在西門橋高十五份

水手四十名每名額田一份不征錢糧草束



委官無定數

額夫六千六百六十五名零五日

顏料額征草十二萬七千二百七十三束椿十萬一千四百十四根

大清渠 大清渠一名清渠賀蘭山東第二道大渠也自唐埧保

馬關崕開口至宋澄堡稍入唐渠清康熙四十七年水利同知王

全臣開分溉唐渠東岸高地以助唐渠水利所不逮九月初七日

興工十三日工竣稱神速焉雍正十二年及乾隆四年四十二年

均重修

渠口上距唐渠二十五里寬八丈深五尺渠口下十三里設正閘



一座旁立水表正閘上游右旁設旁閘三座滾水埧一道迎水埧一道是為渠口

渠身約分三段上段三十里寬四丈深六七尺中段三十里寬三丈深五尺下段十五里二分正閘上架飛槽一道引貼渠水繞東岸高地渠底暗洞二道以洩渠西之湖水橋六道支渠十餘道陡口一百二十八道灌溉陳俊蔣定漢垠林皋瞿清邵剛玉泉李俊宋澄等九堡田一千九十六份即一千二百十三頃今祇溉田二百餘頃

支渠在東岸者八道在西岸者六道計十四道子渠不與焉



魏家渠 鴨子渠 長行渠 台堰渠 大小道渠 董渠 紅廟渠 以上東岸

地八渠 姜家渠 曹家渠 羅家渠 蔣家渠 李家渠 以上西岸

正閘一座 計二空 每空寬一丈五寸六分 上建橋身五間 亭身三間 碑亭一座 其碑已移至寧夏城內 四渠龍王廟 碑上刊有河渠

圖

亭閘三座 曰盈寧 曰永清 曰底定 均二空 每空寬一丈左右

滾水坝一道

迎水坝一道

護岸坝二道 一曰楊家河坝 一曰施家坝



暗洞二道一在漢堤堡曰漢堤暗洞一在宋澄堡曰宋澄暗洞  
飛槽一架在陳俊堡跨正閘而過渡舊貼渠水東行底石一塊在  
正閘下

水表一枝在正閘旁

額夫九百十二名零九日

水手二十名每名額田一份

顏料額征草二萬五千一百一十束椿一萬七千六百九十根

漢廷渠 漢廷渠一曰漢渠賀蘭山東第三道大渠也自陳俊堡

四道河開口西北過漢堤堡經寧夏城東至王澄堡入西河漢郭  
璜所開宋時曰漢源元稱漢廷郭守敬修之復設閘壅明汪文輝



易之以石清順治十五年巡撫黃圖安康熙四十年河西道鞠宸  
均重修雍正九年乾隆四年及四十二年均與唐渠同修光緒三  
十年六月初八日河水異常泛漲自馬關峩以下河水奪流渠身  
淪為支河舊渠口則土石填塞不可復浚乃改口於菖蒲溝惟水  
勢遷徙不定頻年更易隨時補苴而已三十四年知府趙維熙仿  
王全臣之法用紅柳編製大筐中盛石子壓迎水埝五里之遙既  
納河流亦殺水勢於是渠流順軌即今之四道河新口云  
渠口距唐渠口下三十里地勢低下直迎河流水勢易入口門寬  
三十一丈深七尺五寸渠口有石子雙埝以接引河流兼以禦河  
水泛漲波濤之冲激埝以下滾水坝一道又下旁閘三座又下正



閘在漢瓊堡距渠口十二里旁設水表其他一切制度均與唐渠水同

渠身約分三段由正閘起北至唐鐸橋止為一段長六十五里寬五丈深六七尺又西北至張政橋止為一段長七十五里寬四丈五尺深六七尺又北至王澄堡渠稍止為一段長五十五里寬三丈深五六尺計自正閘起至渠稍止共長一百九十五里通身橋十九道暗洞五道飛槽六道夫支渠十三道陡口四百五十六道灌寧夏寧朔二縣二十一堡田地五千六百九十份即三千七百九十七頃今溉田地祇一千四百餘頃夫支渠十三道共長三百五里六分小者不與焉



水磨渠在葉升保長二十里

天北渠在葉升保長十五里

菓子渠在任春保長四十九里三分

寫渾渠在王洪保長二十三里

南泉渠在王洪保長十九里三分

北泉渠在王洪保長二十五里

天營後渠在鎮河保長二十五里

畢家渠在金貴保長三十里

各陵渠在金貴保長十六里

小營後渠在金貴保長十六里



天高渠在潘昶堡長二十九里

南毛渠在潘昶堡長十九里

北毛渠在潘昶堡長二十九里

正間一座計四空左三空每空寬一丈五寸六分右一空寬九尺六寸上建橋房九間碑亭一座旁房三間

旁間三座曰安定曰平泰曰永寧或為三空或為六空每空寬八九尺至一丈

滾水壩一道

迎水壩一道長約五里

護岸壩五道曰晏子壩曰晏公外河壩曰銅青壩曰野虎壩曰城



塙塙

暗洞五道一在林皋堡曰林皋暗洞一在唐鐸堡曰唐鐸暗洞一在魏信堡曰魏信暗洞一在張政堡曰張政暗洞一在王澄堡曰王澄暗洞

底石五塊一在正閘下一在龍泉閘下一在李俊閘下一在玉泉閘下一在板橋下

水表二枝一在正閘旁一在張政橋旁

水手四十名每名額田一份不征錢糧草束

額夫四千八百七十二名又十二日

顏料柴草十二萬一千八百九十二束椿九萬二千四百五十七



根

惠農渠 惠農渠一曰惠渠或曰黃渠。賀蘭山東第四道大渠也。自陳俊堡東南開口。過龍門橋。經寧夏治東。平羅治東。至尾闈堡。稍入黃河。清雍正四年。以察漢托護地方有腴田萬頃。為漢唐二渠餘波所不及。命侍郎通智寧夏道單疇書相度形勢。開濬渠道。以資澆灌。渠成賜名曰惠農渠。初在余家嘴花園灣開口。與唐渠並行而北。至平羅縣西河堡。入西河。長三百里。用帑銀三十萬兩。乾隆五年地震塌陷。復移渠口於通潤橋。九年改修渠尾。至市口。保十年又改口於寧朔縣林皋堡朱家河。三十九年河流東徙。又改口於剛家嘴。以後均與唐渠同修。光緒二十七年河流西刷於



河套系編 十一  
渠口外築埝二千餘里後屢修屢圯渠工大壞三十一年知府高維詰改道於陽和堡之東今所謂陽和新工者是也

渠口寬二十丈深七尺正閘一座旁閘四座迎水埝一道正閘旁設水表所有渠口一應建治均與唐漢二渠同

渠身由正閘起北行至渠稍尾閘止長二百六十里寬十三丈至尾收至五丈深一丈二尺至五六尺不等渠稍尾閘一座渠之東

築長堤凡三百二十里以障黃流渠身橋十一道飛槽六道暗洞

七道大支渠十餘道陡口一百三十六道澆寧夏平羅二縣四十

九堡之地四千五百二十九分半即四千五百二十九頃零今祇

溉田六百餘頃



大支渠計十六道共長二百九十九里六分渠名如下

六瓌渠在六中保長十里

津池渠在通福保長十四里

交濟渠在交濟保長二十五里

仁義渠在六羊保長十五里

隆業渠在沿河保長十里

仁吉渠在沿河保長十五里

寶開渠在通平保長二十里

惠威渠在惠威保長二十五里

小三渠在長渠保長十九里



滾珠渠在北長渠堡長十八里六分

官四渠在渠中堡長五十里

普潤渠在西河堡長十七里

元元渠在西河堡長十六里

萬濟渠在萬寶屯堡長十五里

永祥渠在李祥堡長二十里

黃楊溝稍渠在河西寨長十里

正閘一座在龍門橋計五空空共寬六丈三尺上建橋身九間碑亭一座亭身三間

旁閘四座曰滌閘曰建瓶曰平濤曰寧瀾均四空空寬九尺至一



丈一尺尾闈一座計二空左空寬一丈四尺右空寬一丈二尺五寸

迎水埝一道

護岸埝一道名曰將軍埝

暗洞六道洩河西塞以上湖水之不入西河者在葉升堡二曰永暢暗洞曰美利暗洞在任春堡一曰永涵暗洞在王洪堡一曰水弘暗洞在陽和堡一曰通和暗洞在河西塞一曰通寧暗洞

飛槽六架均渡漢渠水溉惠渠以東高地。在葉升堡一曰水磨渠飛槽在任春堡二曰三水渠飛槽曰菓子渠飛槽在王泰堡三曰南皋渠飛槽曰北皋渠飛槽曰瀉畢渠飛槽



底石二塊一在正閘下一在通濟橋下

水表一枝在正閘旁

水手四十四名每名撥給靈州營灘廠地一分不征錢糧草束

額夫三千九百七十二名又十二日

顏料渠草八萬七千五百四十九束椿五萬九千五百八十六根

芎苦七千七百八十六束

昌潤渠 昌潤渠者賀蘭山東第五道大渠也在寧夏縣東通吉

堡開口北行至平羅縣水屏堡與惠農渠同時開浚初為惠農渠

之支渠地居惠農渠之末到水甚少不敷澆灌乾隆五年復因地

震塌隘渠過廢壞後於平羅縣通富堡另開一口與惠農渠別行



以納水不暢又移口上至通義堡仍無濟三十年寧夏府知府張  
維旃詳准受水民戶之請自備夫料另由寧夏縣通吉堡溜山子  
開口乃能暢通四十二年嘉慶十七年二十一年及道光四年均  
重修

渠口設正閘一座旁閘四座迎水埝一道渠口一切建置均與唐  
漢二渠同

渠身由正閘起至渠稍止長一百三十六里寬七丈至稍收為三  
丈深三四尺至七尺不等設分水閘一座分水以入旁渠者也支  
渠二十餘道陡口一百十三道灌平羅縣埭外田地一千六百九  
十七分半即一千六百九十七頃零今祇溉田二百餘頃



大支渠計十七道共長二百一十七里渠名如下

暗洞渠長十五里

克家渠長十五里

宋家渠長十二里

永惠渠長十五里

孟家渠長十里

官三渠長十七里

穆家渠長十五里

貼五渠長十六里

田家渠長十五里



西邊渠長十里

白茨渠長十里

天生渠長十里

西官渠長十二里

貼六渠長十二里

小六渠長十里

五大支渠長十里

西七渠長十三里

正閘一座計五空碑亭一座

守閘四座曰裕昌曰福昌曰靜瀾曰平波均五空



分水閘一座計二空

迎水埝一道

水手二十名每名額田五十畝不征錢糧草束

額夫二千二百五十九名

顏料渠草四萬九千五百十八束椿三萬三千八百八十五根芎

芎四千五百十八束

寧夏五大幹渠以唐來居黃河上游次天清次漢廷惠農最末昌

潤各渠口比皆與黃河斜交乘勢以引河流旁以亂石椿柴建築迎

水埝音擺即長數十丈或四五百丈伸入河中逼水入渠距渠口

堤埝也

一二十里跨渠建置石閘名曰正閘是為一渠咽喉要道守設水



表以五寸為一分總以十二分為率正閘上游渠右岸各建旁閘  
二三四座水小則閉之使高盡入正閘水大則啓之使水入河設  
水手以為司理隨時報告水勢旁閘上游迎水埧之下用石堆砌  
一埧名曰滾水埧長三五十丈或七八十丈低於堤岸數尺入水  
多則從滾埧溢流正閘之水祇循分寸入渠沿岸居民鑿小渠以  
引水入田者名曰支渠大者長百餘里小者數里各建小閘或木  
或石以便溉田名曰徒口其有此渠之高地因彼渠隔斷而不能  
得水者則架木筧以渡之名曰飛槽其渠水灌入稻田復從稻田  
澄出之清水放入各湖如唐渠東岸之解面揚家洛洛清渠東岸  
之葦子張喇漢渠西岸之平則老鶴雙塔東岸之明水龍太惠渠



西岸之黑渠塔橋諸湖坎坎相連名曰十二連湖皆所以蓄水也  
湖水既盈則洩入西河而歸黃河有被大渠所阻者則於渠底甃  
石為洞以通之名曰暗洞舊戶田以六十畝為一分新戶田以百  
畝為一分每田一分除田賦正供外例納草四十八束後改二十  
四束每束重十六斤又橋十五根每根長三尺向由水利同知於  
十一月間征齊存儲以備來春修理間堤岸之用後改七年三  
折色蓋以工程用品有時需用紅柳白茨芎苔石塊石灰等物故  
於草橋內收折色三分以便採買總名之曰顏料每年河凍之時  
用草閉塞渠口名曰捲掃至清明日按田一分撥夫一名挑濬渠  
身加疊堤岸以一月為期名曰春工工作之時官司親臨董率委



派紳民練達渠務者分段監工名曰委管各段渠底設有底石上刻準底二字春工挑濬須至底石為止立夏日掣去所捲之埽於水入渠名曰開水開水之時先將上段陡口閉塞逼水到稍取渠稍民戶澆灌滿足甘結名曰封水封水之際將各陡口酌留二三分水名曰俵水至是乃開上游各陡口任其澆灌既已普及又逼令到稍封與俵周而復始上下段皆獲及時澆灌其設制如此五天渠之外又有亭渠初為昌潤之支渠由分水閘分昌潤渠水以溉昌潤之東田地道光五年始於溫家橋另開一口承接黃河之流至東水澗堡中間子復分兩稍至渠陽堡共長六十里灌渠口等堡田地四百四十四分又有河溝官渠河溝西渠天水渠皆



河套 卷 終 十 十六  
小渠也共計溉田五千餘頃今祇一千餘頃渠由民戶自修  
綜計寧夏渠道除由民戶自修小幹渠不計外所有五大幹渠共  
長六百六十六里在昔溉田一萬九千二百七十七分半即一萬  
六千二十五頃額夫一萬八千六百八十名即五十六萬〇四百  
工渠草芟苦四十二萬三千八百二十一束椿三十萬四千九百  
五十一根今溉田五千頃派夫徵料初無一定每年由委員到工  
估計分別支配料少工多自難如願所以渠工日漸敗壞也

該區地勢西南高東北下古人因地之利引河灌地數萬頃其利  
溥矣在昔水利工程之學未見昌明而前人經畫莫見匠心各渠  
正閘是為一渠納水之咽喉度澆灌區域之大小定閘門之廣狹



雖無當於水理算式要亦不甚相遠守設水表勻刻分劃其外有  
守閘以時驗水表水面所至之分劃啟閉守閘以洩其有餘而補  
其不足設水手以司之使水量無太過不及之弊至於惠渠東岸  
地高不能引用惠渠水則於渠上駕飛槽渡漢渠水以濟之惠渠  
西岸低地溉地餘水積滂為害則於惠渠之底設暗洞以洩之恐  
修濬之不力也設底石以為制補偏救弊煞費心思而唐渠之口  
直衝峽溜清渠之跳橫障河心漢渠之守閘完備宣洩便利惠渠  
之渠身整齊水流暢通相傳為四大特色而春工修濬征料派夫  
灌溉田園按輪封俵各有條規傳流永久法至善矣惜乎相沿既  
久百弊叢生以致春工挑濬不盡所淤詢之土人不見底石已數



十年矣。即如唐渠西門橋水表在二十年前尚係七分。行水九分。旺水。今渠底已淤。至水表十分。每分五寸。其淤高於底石五尺。可知他渠亦然。現在渠口納水之量。雖不足二萬頃。灌溉之需。然亦不僅數千頃。乃以渠身填高。不能容受所入之水。旋從滾坝退。出到地甚少。額地五千頃。尤時虞不濟。夫以二萬方里之地域。六七百里之幹渠。溉地僅數千頃。養民祇十數萬。昔所謂寧夏富庶。甲於江南。即今觀之。亦不過虛有其說而已。查從前渠道由水利同知司責。尚能履行規章。歲時修浚。自同知裁撤後。道署兼辦。各渠務局長則委科員。而道署科員大都習於行政。初無水利工程之經驗。以之辦理渠工。是以渠工大壞。現任道尹陳必淮君。初牧



靈州時曾於青銅峽下秦漢二渠之旁臨河建築石隄頗著成績。自任道尹兼辦渠工設使下車伊始著手整頓掃除積習必有起色乃沿之日久情面難除渠工敗壞至此陳君曾有計畫擬於青銅峽建設鐵閘通水使高以入唐渠俾唐渠為總渠口而閉塞其他各渠口用為唐渠之支渠業經勘測事屬可行至於渠身淤淺亦須大事疏通支渠陡口之洩量須與正渠按比分配調勻水速以減冲刷淤澄之力以保持渠身之常度而管理渠務尤宜慎選廉明於水利工程之學有經驗者為之書差役吏種々積弊永遠革除重整規章實行遵守規復灌溉甘是易々不日則積習相沿渠

工之壞不知伊於胡底矣

參觀附圖第二十  
六第二十七



(乙) 後套及三湖灣

永濟渠 永濟渠原名纏金渠地商甄玉所開清光緒二十九年  
報效入官經墾務大臣貽穀重修改名永濟為後套諸渠中之最  
大者施工亦最多渠口當黃河北流東折之衝形勢順而水流頗  
旺自渠口起東北至五加河渠稍止計分四段由上而下第一段  
長一萬四千四百丈寬四丈八尺深五尺五寸第二段長一萬八  
百丈寬三丈深四尺第三段長一千四百四十丈寬二丈深三尺  
第四段至渠稍止長二千一百六十丈寬一丈八尺深三尺共長  
兩萬八千八百丈合一百六十里其支渠之大者凡五道曰舊東  
渠曰樂善堂渠曰西大渠曰中子渠曰新東渠共溉連旂水租地



七百七十一頃

剛目渠 剛目渠一名剛目河渠口在纏金渠口下六十里其稍至祥泰魁而止不入五加河地商劉步雲開清光緒二十九年報效入官經墾務大臣貽穀重修全渠自口至稍計分三段第一段長三千六百丈寬三丈深四尺五寸第二段長四千五百丈寬二丈深三尺五寸第三段至渠稍止長三千六百丈寬一丈八尺深三尺共長一萬二千六百丈合七十里在後套八大幹渠中為最小溉達旂承租地二百五十五頃

豐濟渠 豐濟渠原名中和渠一曰協成渠光緒二十六年地商

王同春開二十九年報效入官經墾務大臣貽穀重修更名豐濟



渠渠口在剛目渠口下五里東北行中經吾城稍入五加河由上而下計分三段第一段長七千二百丈寬三丈六尺深五尺第二段長五千四百丈寬三丈深四尺第三段至渠稍止長三千六百丈寬二丈深三尺共長一萬六千二百丈合九十里溉達旂永租地三百一十五頃

永和渠 永和渠原名沙河渠清光緒二十七年地商王同春開二十九年報效入官經墾務大臣貽穀重修更名永和渠渠口在豐濟渠口下七十五里東北行過五原縣城西而東北入五加河由上而下計分六段第一段長六千丈寬四丈一尺深七尺第二段長一千四百四十丈寬四丈七尺深二尺五寸第三段長一千



一百零四丈寬四丈七尺深四尺第四段長六千零七十二丈寬四丈七尺深四尺五寸第五段長四千三百五十六丈寬三丈七尺深四尺第六段至渠稍止長二千一百一十二丈寬二丈二尺深三尺共長一萬五千一百四十四丈合八十四里零溉達游水租地二百七十頃又五原縣城基地五百四十頃亦用此渠溉種現時水不敷用尚宜另開新渠

義和渠 義和渠光緒十五年地商王同春開二十年改修渠口二十九年報設入官經賑務大臣貽穀重修渠口在永和渠口下二十里由渠口東行三里左經土城子又東北經五原縣城南又東北稍入五加河由上而下計分三段第一段長一千三百六十



丈寬四丈六尺深五尺第二段長一千一百丈寬三丈四尺深三  
尺八寸第三段至渠稍止計長一萬二千五百丈寬四丈深四尺  
八寸共長一萬四千九百六十丈合八十三里零溉達旂永租地  
八十二頃稍入五加河復循五加河東行約百里至烏拉特西公  
旂地澆什拉胡魯素紅門圖地一千七百三十一頃該渠水勢頗  
旺原定為烏旂專渠上游不得截水故溉達旂地僅八十餘頃而  
渠水經過五加河面積過廣且經行二三百里沿途蒸發滲漏消  
耗過多至抵烏旂水勢已微不敷應用故所溉不過十之一二地  
畝荒蕪甚多該處水利局計畫另開專渠而以該渠祇澆杭達二  
旂之地云



通濟渠

通濟渠原名老郭渠。一曰老郭河。清同治八年地商郭

敏修開。初定渠口僅一丈八尺。十二年改修加寬加深。光緒二十九年報效。入官。經墾務大臣貽穀重修。更名通濟渠。口在義和渠口下五里。自渠口東北行過賈放驢店折而東。渠稍入長勝渠。由上而下計分三段。第一段長五千八百四十丈。寬三丈六尺。深四尺。第二段長七千二百三十丈。寬二丈七尺。深三尺五寸。第三段至渠稍止。長五千三百八十八丈。寬二丈。深二尺五寸。共長一萬八千四百五十丈。合一百零二里半。溉達旂水租地四十五頃餘。水入長勝渠。溉四成補地。民國八年水利局長王用舟重修渠口。移下一里。渠口寬四丈四尺。深六尺。動工款三萬兩。河水盛時。每晝



河套新編 十一  
二十三  
夜溉田二十頃

長濟渠 長濟渠原名長勝渠清咸豐七年地商侯應奎開初溉地五十四渚爾每一渚爾三五頃不等渚爾蒙語譯言湖蕩也光緒二十九年報效入官經墾務大臣貽穀重修移改渠口直衝河流水勢乃暢更名長濟渠口距今通濟渠口下二里自渠口東行稍入五加河由上而下計分七段第一段長一千五百六十丈寬

丈四尺深七尺第二段長二百四十丈寬三丈四尺深四尺五寸第三段長六百六十丈寬三丈四尺深六尺第四段長四百三十二丈寬五丈深四尺第五段長三千零七十六丈寬三丈四尺深四尺第六段長九千九百一十二丈寬三丈四尺深四尺第七



段至渠稍止長三千七百四十八丈寬三丈深二尺共長一萬九千六百二十八丈合一百九里零溉達旂永租地二百十二頃又受通濟長勝二渠餘水合溉四成補地一千四百二十頃

塔布渠

塔布渠原名塔布河清道光三十年河水冲決而成因

而修之為渠而為後套渠工之祖光緒二十九年入官經鑿務大臣

貽穀重修渠口在長濟渠口下四里自渠口東行至才喇以旁支

與長濟渠通又南渠稍入烏梁素海子由上而下計分五段第一

段長八千七百六十丈寬二丈九尺深二尺第二段長三千七百

二十丈寬二丈五尺深三尺第三段長一千六百三十二丈寬二

丈深二尺第四段長一千八百丈寬二丈深一尺五寸第五段至



渠稍止長一千六百八十丈寬二丈深一尺共一萬七千五百九十二丈合九十七里零溉遠近水租地五十頃餘水溉四成補地承租地戶承包八天幹渠花名及地畝

永濟渠承包花戶王恩湛租地二百五十五頃

剛目渠承包花戶周天租地二百零五頃

豐濟渠承包花戶興盛成王在林租地二百三十八頃

永和渠承包花戶楊滿倉租地二百七十頃

義和渠承包花戶義和社租地八十二頃

通濟渠承包花戶通濟社租地四十五頃

長濟渠承包花戶張建元張拴維租地二百頃



塔布渠承包花戶俞子信李致租地五十頃

以上八大幹渠由各承包人按照大渠寬深尺寸遵章接續  
包辦三年三年之後照原文尺寸纒還水利局勘收如有淤

澄承包人照章賠修

永濟舊東渠西稍花戶傅東仁租地二十五頃

永濟樂善堂渠花戶吳祥租地三十二頃

永濟西大渠花戶維厚堂租地二十頃

又 陳喜林租地四十五頃

又 王大鶴租地十頃

永濟中子渠花戶陳阿漁租地六十三頃



永濟新東渠花戶王恩堪租地二百五十頃

永濟渠阿赫河花戶趙魁元租地二十五頃

又 張立禮張世華租地十六頃

永濟舊東渠花戶楊茂林公益成租地二十五頃

永濟渠稍花戶袁安春租地五頃

剛目哈達淖花戶蘇德潤租地十二頃五十畝

又 五福堂租地十二頃五十畝

剛目實家界花戶佟清泉租地二十五頃

豐濟廠汗淖花戶楊玉壘租地五十頃

又 彭少林租地十八頃



長濟達拉淖花戶趙二鎖租地十二頃

阿林河花戶李永膺岳雲生租地九頃

以上十八戶均由各花戶自行出資挖修支渠或承接退水  
或修洗舊渠亦遵章認修三年地畝不得短少

通共承租地二十六段計地二千頃即自民國六年為始每  
年額征銀三萬兩整由六年八月間征各定租銀一半次年  
二月底掃數交清租至民國八年秋割為限

小幹渠 二十餘道淤塞甚多現在可用灌溉者有十九道共長  
七百零二里溉抗旗糧地四千一十八頃但洋人渠達拉渠溉地  
未計渠名如下



籃鎖錨渠長九十五里

五天古渠長二十五里

魏羊渠長四十里

強家渠長三十里

上默渠長二十五里

吳祥渠長十二里

戶口地渠長十五里

劉三地渠長十五里

天吉太渠長十五里

舊灶火渠長三十里



新灶火渠長八十里

黃家渠長五里

烏魯格圖渠長二十五里

鄒家渠長四十里

阿善渠長五十里

十天吾渠長三十五里

錦鏘堂渠長十里

洋人渠長五十五里

達拉渠長五十五里

教堂各渠 教堂地內幹渠三道共計長約二百六十里 溉地二



千頃渠名如下

揚家河子長約七十里

中格爾渠長約六十里

黃圖拉垓河長約一百三十里

渠工經費 後套渠工初由地商私人濬治經費向無統計及光

緒二十九年貽穀辦墾設立渠局動用公款始有會計即自是年六月起截至民國元年九月止計分兩期所有開支各款目如下

(一) 抗達兩旗渠工經費

土方工資三十一萬八千零十九兩七錢六分一厘

地商報效渠道賞給七萬二千零七十八兩三錢八分一厘



渠夫工食四萬七千八百五十一兩二錢三分一厘

車價馬乾津貼設局器具運脚修橋等雜費七萬零六百九十

八兩四錢五分一厘

(二)烏拉特前旗渠工經費

渠道項工土方工資二萬七千五百十二兩三錢三分四厘

渠夫工食一千八百九十八兩一錢零三厘

新津車價二千零七十五兩五錢五分四厘

局所器具運脚等雜費二千八百八十六兩五錢二分三厘

以上為第一期由光緒二十九年六月開辦起截至三十四

年四月十一日止統計開支庫平銀五十四萬三千零二十



兩零三錢三分八厘係貽穀任內辦理後套渠工之用經將  
軍信勤開單咨送法部有案

三光緒三十四年各局渠工經費

西盟總局三千四百二十五兩零八分二厘

達旂長濟局一萬三千九百零八兩五錢四分八厘

達旂隆興長局六千七百六十二兩二錢七分三厘

達旂豐濟局六千二百十三兩七錢一分九厘

達旂剛目局六千零二十五兩九錢一分八厘

達旂永濟局一萬一千三百十七兩八錢七分七厘

杭旂三段局七千四百五十四兩八錢一分六厘



杭旂四段局三萬零一百二十二兩九錢九分九厘

烏拉坦工局七千六百五十九兩一錢五分九厘

(四)宣統元年各局渠工經費

西盟總局十五兩四錢三分一厘

達旂長濟局七千六百十四兩四錢零三厘

達旂隆興長局一萬五千六百九十五兩六錢一分八厘

達旂豐濟局五千二百六十九兩零四分七厘

達旂剛目局七百二十四兩四錢七分三厘

達旂水濟局三千二百四十七兩六錢六分三厘

杭旂三段局六千一百五十五兩六錢八分二厘



杭旂四段局六千四百二十七兩零六分二厘

烏拉坦工局二萬二千七百四十三兩九錢六分六厘

(五) 宣統二年各局渠工經費

是年九月底烏拉坦工局裁撤

西盟總局兼管二分子公所一百八十二兩九錢七分八厘

達旂長濟局七千一百九十四兩七錢零七厘

達旂隆興長局一千六百四十九兩四錢四分九厘

達旂豐濟局二千三百七十兩零二分

達旂永濟局一萬一千六百九十九兩一錢三分六厘

杭旂三段局六千四百二十兩八錢一分六厘

杭旂四段局九千一百八十七兩八錢七分七厘



烏拉垠工局二千三百四十三兩六錢九分六厘

(六) 宣統三年各局渠工經費

是年正月一日起將抗旂三段局改為抗旂東分局四段局改為西

分局達旂隆興長濟兩局改併為達旂東分局水濟豐濟兩局改併為達旂西分局

西盟總局兼管二分子公所六千三百七十兩三錢五分二厘

抗旂東分局六千四百二十五兩三錢八分六厘

抗旂西分局七千零四十八兩一錢一分五厘

達旂東分局一萬四千九百九十兩四錢七分三厘

達旂西分局一萬四千三百三十六兩二錢六分三厘

(七) 民國元年各局渠工經費

西盟總局兼管二分子公所八百零六兩六錢六分一厘



杭旂東分局七百九十一兩三錢二分七厘

杭旂西分局一千零五十四兩三錢一分五厘

達旂東分局一千七百七十二兩五錢八分四厘

達旂西分局一千八百四十三兩五錢零九厘

以上為第二期由光緒三十四年四月十二日起截至民國

元年九月底止計信瑞、~~桂~~、~~桂~~各將軍任內共開支庫平銀二

十五萬七千二百六十九兩三錢九分七厘兩期統共支庫

平銀八十萬零二百八十九兩七錢三分五厘此項支款均

照墾務公所表冊填列至元年九月以後渠道改歸民戶修

理各局一律裁撤



(八) 達斡水租由光緒三十年起截至宣統三年止應征渠地租四十萬九千八百六十七兩五錢二分一厘照章以二成為渠工經費計應劈八萬九千九百七十三兩五錢零四厘

(九) 杭達兩旗渠租由光緒三十一年起截至宣統三年止應征四萬五千三百七十六兩三錢四分七厘

(十) 烏拉特西公旗渠租由光緒三十三年起截至宣統三年止應征二千四百零七兩一錢九分三厘

(十一) 杭達烏三旗承租由光緒三十二年一起截至宣統三年止應征一萬二千二百零六兩二錢六分

以上渠租承租截至宣統三年止應共征庫平銀十四萬一



千九百六十三兩三錢零四厘與支出渠工經費比較不敷  
為六十五萬八千三百二十六兩四錢三分一厘此項不敷  
之數固屬於渠工基金居多而辦事人管理不善亦難辭責  
至於宣統三年以後民國元年起改定章程將八大幹渠交  
由民戶承包每年澆地以二千頃為限繳渠地租庫平銀三  
萬兩其餘每頃繳水利經費銀一兩二錢以充水利局經費  
後套有八大幹渠八道水濟渠居黃河上游剛目次之豐濟水和義  
和通濟長濟又次之至塔布渠為最下渠口皆西南承接河水渠  
稍則東北入五加河灌溉杭達烏三旗田地方向皆杭受其源達  
承其尾惟義和一渠則稍入五加河後復徧五加河輸注於烏旗



五加河原係黃河北流故道由義岱山魁以西早經淤塞以東經梅  
令廟復南折至烏梁素海子長約四百三十里河身尚完整以故  
各渠退水莫不以五加河為委焉

各渠原由地商自開及光緒二十九年清政府特命大臣貽穀督  
辦蒙旗墾務所有蒙地一律飭令報墾各地商所種之地亦一並  
呈請官廳文放渠亦難為已有遂以渠道報效入官經貽穀大臣  
派員勘收估計工程酌賞渠費一面派員勘工設局修浚開工之  
始將長勝渠改名長濟纏金渠改名永濟集人夫數萬從事疏濬  
又開支渠以分水勢其老郭沙河義和豐濟剛目等各渠以次興  
修彼時據當事者報告政府可溉田一萬頃又以五加河尾閘湮



塞水無歸宿之處往往淹沒田禾復籌用挖泥機由烏梁素海子起而南至黃河次第開通以興渠利事未及行適貽穀被參去職繼後則歷任綏遠城將軍兼辦雖有墾局之存留不過一承轉機關而於渠務亦祇敷衍了事計自光緒二十九年截至民國元年九月底止計支出渠工經費凡八十萬餘兩而渠租水租預計每年可徵六萬餘兩後以渠水不足澆地無多收入太減查自開辦起至宣統三年止共計收渠租水租不足十五萬兩與預算相差甚遠將軍堃岫任內奏請將幹支各渠改歸民戶修理溉地以二千頃為額每年由民戶包繳渠地租三萬兩其餘升科地每頃改征水利經費銀一兩二錢如用官渠水則每頃四兩五錢所有



水利各分局一律裁撤此辦法由民國元年實行

八大幹渠合長為七百九十六里合以小幹渠共長約為一千五百里灌溉區域除教堂地不計外原定澆杭達烏三旗地一萬餘頃查最盛之時祇光緒三十三年澆七千餘頃其餘皆在五六千頃自入民國蒙匪滋擾盧匪繼之墾戶逃避千里為墟原有渠道無人修洗節節淤澄渠工大壞迨至民國五年全區祇澆五千頃六年減至四千頃七年又減至三千五百頃由此以言則自光緒三十三年以後渠工廢壞年甚一年今惟纏金義和二渠納流尚順外其餘淤塞過半而老郭長勝淤澄幾等平地矣八年春水利局長王用舟君慨渠務之廢弛力求整頓以民國元年所訂水利



章程迄未實行乃遵章令各渠民戶舉定正副社長擇其淤澄者  
自八年夏起先籌資三萬兩由老郭渠入手疏濬繼後工款如何  
尚無把握

後套渠工始於民戶各自為謀初無統籌全局之計所開渠道錯  
綜交雜墾地亦不成片段故渠道雖多而灌溉範圍未廣蓋以各  
渠口自承河流由纏金而下河勢已衰既降之水不能挽之使上  
稍高之地即為灌溉所不及且河面既降入渠之水運行平緩最  
易淤澄而河流散漫遷徙無常幸而渠口所在河岸坍塌引流尚  
盛設或口外生灘則泥沙噴塞不易疏通又須另籌新口以資補  
救屢年挑濬不勝其勞從前各渠為民戶自有身家性命俱在於



渠歲時興修保其常度及歸官辦亦只因勢利導未為從長規畫  
乃貽以欽差威望在事人員尚不敢玩視要公及貽被參去職後  
任事者因循苟且至今渠工敗壞已極水利局現在規畫擬實行  
民國元年所訂官督民修之制將各渠修浚恢復原狀成功之後  
溉田萬頃以上

後套地域截長補短東西四百里南北百里計地二十萬頃間去  
其砂礫不毛之地其可耕者約有六萬頃其中除賠教地二千頃  
(實有萬頃)再除達旂永租地四千頃烏拉西公之什拉胡魯  
素地一千七百頃達旂報效五原縣城基地五百頃又共約萬頃  
可耕者尚有四萬頃查其地勢可添開幹渠四道(一)蓋鎮爾渠西



沙公 卷終  
二) 永濟沙河二渠之間 三) 什拉胡魯素 四) 昆大渠之西計四渠水之  
費約五十萬元再於舊有八大幹渠二十小幹渠大事疏濬所費  
又五十萬元共計祇百萬元則四萬頃膏腴可立致也按現行渠  
租每頃四兩五錢可加至八兩計在二三年之後則此項濬渠之  
工費即可收回惟地戶不習灌溉之法當一絕大平原普遍放水  
乃至低窪之處深已數丈高處尚無涓滴是宜從事教導設法改  
良使其分別高低界以土埂高水以澆高地低水以澆低地因勢  
利導俾得各盡其利水無虛糜之水而地亦無荒曠之地至蒙人  
不肯報墾之說蓋虛語耳重利以誘之信約以將之立法簡當示  
之以誠彼蒙古將趨赴之不遑顧安得有不肯報墾之說耶此王



君同春之計畫也。王君字浚川，土人以渠道大王稱之。直隸邢台縣人，生於前清同治元年，自八歲隨其先人入套，初為人墾牧三十以後，即經營渠墾於河套。地理家情渠墾興敗利弊知之最審。民國三年當由農商部聘為顧問，並請給四等嘉禾章。政府優遇其為人才，識概可見矣。

據右說，水利局祇在修浚故渠，溉地萬頃。王君則以擴張範圍，核復之外，加溉四萬頃。徵之實地，確可擴充。惟王君所云新開四渠，不可不研究。已往之利害關係，統籌全局作惟一之計畫。按地理水功之學，擇適當之地，另開幹渠，計灌溉面積之大小，需用水量，幾何，然後規定渠身廣狹深淺，更參照寧夏渠工規模，建設閘壩。



飛槽暗洞以調劑之而資永固則後套渠墾之利可操左券矣參  
觀附圖第二十八第二十九

(丙) 三湖灣

三湖灣係黃河與三湖河夾成之低灘地勢西高東下引三湖河水澆灌形勢極順惟該處墾關較晚渠工未見發達及今計之僅有西公合哨史家墾務三渠皆自三湖河決出者也合哨居上游長約十六里稍至蘇木兔史家在河哨之東十里長約十里稍至王卦營子墾務在史家之東二里長約二十五里稍至柴腦包三渠共長五十餘里形勢由西北而東南澆地甚少於東公報墾之地二千四百頃尚待另開新渠現正由烏拉特旗墾工局籌畫於丈



放地畝內每頃帶征渠費銀三十兩以資興辦云  
全區除沙城不計外可耕之地約七千頃三湖河納流亦甚暢若  
再於河口建設閘壩調劑之則水量充足用力少而收功多蓋半  
出天然也



